

女科準繩卷之五上

庫	文	閣	内
函	三	五	漢
架	一	七	書
	八	九	類

漢書門	一	二	三	四	五	六
類	九	〇	一	二	三	四
號						
函						
架						
冊						

内閣文庫	漢	12549
冊數	78	(77)
函號	301	62

産後上
 産後通用方
 胞衣不下
 血暈
 胎脹痛
 腰痛
 血不下
 心腹痛
 腰痛
 頭痛
 脚氣
 遍身疼痛
 中風
 瘕瘕
 拘攣
 不語
 狂言譫語
 顛狂
 乍見鬼神
 驚悸
 恍惚



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



綴じ部(喉部分)の文字等が開きが不鮮明な場所あり

和證治雜編卷之五

金匱王肯堂輯 門人劉文開承詒校

產後門

產後將調法

大生凡生產畢飲熱童便一盞不得便卧且宜閉目
而坐須臾上床宜仰卧不宜側卧宜豎膝末可伸足
高倚牀頭厚鋪褥遮圍四壁使無孔隙免致賊風
及以醋塗鼻或用醋炭及燒漆器更以手從心窩至
臍下使惡露不滯如此三日以防血暈血逆不問
痛不痛有病無病以童便和酒半盞溫服五七服少

女科證治準繩卷之五

金壇王肯堂輯 門人新安閔承詔校

產後門

產後將調法

大凡生產畢飲熱童便一盞不得便卧且宜閉目而坐須臾上床宜仰卧不宜側卧宜豎膝未可伸足高倚牀頭厚鋪裯褥遮圍四壁使無孔隙免致賊風及以醋塗鼻或用醋炭及燒漆器更以手從心擗至臍下使惡露不滯如此三日以防血暈血逆不問腹痛不痛有病無病以童便和酒半盞温服五七服妙

產後

調將法

女科五

酒雖行血亦不可多恐引血入四肢且能昏暈宜頻
食白粥少許一月之後宜食羊肉豬蹄少許仍慎言
語七情寒暑梳頭洗足以百日為度若氣血素弱者
不計日月否則患手足腰腿痠痛等證名曰羸勞最
難治療初產時不可問是男女恐因言語而泄氣或
以愛憎而動氣皆能致病不可獨宿恐致虛驚不可
刮舌恐傷心氣不可刷牙恐致血逆須血氣平復方
可治事犯時微若秋毫成病重如山嶽可不戒哉陳
謂云漬荳汁與產婦服之將荳麻與產婦
枕之止血暈產婦腹痛以荳安腹上則止○產婦將

湯四順理中丸七寶散若壯熱頭痛此乳脉將行用
玉露散頭目不清是血暈用清魂散粥食不美是胃
氣虛用四順理中丸○丹或曰初產之婦好血已虧
汚血或留彼黑神散非要藥乎荅曰至哉坤元萬物
資生理之常也初產之婦好血未必虧汚血未必積
藏府未必寒何以藥為飲食起居勤加調護何病之
有誠有汚血體怯而寒與之數貼亦自簡便或有他
病當求病起何因病在何經氣病治氣血病治血何
用海制此方例令服餌設有性急者形瘦者本有怒
火者夏月坐蓐者時有火令薑桂皆為禁藥至于將

護之法尤為悖理肉汁發陰經之火易成內傷之病也先哲具有訓戒胡為以羊雞濃汁作糜而又常服當歸丸當歸建中湯四順理中丸雖是補劑並是偏熱藏府無寒何處消受若夫兒之初生母腹頓寬便啖雞子且吃夥鹽不思雞子難化夥鹽發熱展轉生證不知所因率爾用藥寧不誤人予每見產婦之無疾者必教之以却去黑神散與夫雞子夥鹽諸品肉食且與白粥將理間以些少鯊魚煮令淡食之半月後方與少肉若雞子亦須豁開淡煮大能養胃却疾彼富貴之家驕恣之婦卒有白帶頭風氣痛膈滿痰逆口乾經事不調髮禿體倦皆是陽盛陰虛之病天生血氣本自和平曰盛曰虛又烏知非此等繆迷有以兆之耶

○千金云凡產後滿百日乃可會合不爾至死虛羸百疾滋長慎之○凡婦人患風氣臍下虛冷莫不由此早行房故也○產後七日內惡血未盡不可服湯候臍下塊散乃進羊肉湯有痛甚切者不在此例候兩三日消息可服澤蘭丸此至滿月丸藥盡為佳不爾虛損不可平復也至極消瘦不可救者服五石澤蘭丸補之服法必七日之外不得早服也○凡婦人因

暑月產乳取涼太多得風冷腹中積聚百疾競起迄至於死百方療不能差桃仁煎主之出蓐後服之婦人總令無病每至秋冬須服一二劑以至年內常將服之佳

丹溪云產後以大補氣血為先雖有雜證以未治之○產後一切皆不可發表○產後不可用芍藥以酸寒伐生發之氣故也

通用方

如味四君子湯 新產之後雖無疾故宜將息調理脾胃美進飲食則臟腑易平復氣血自然和調百疾不生也

無忌疾宜調脾

人參

茯苓

白朮

甘草

陳皮

藿香

縮砂仁

黃芪

各等分

右剉散每服肆錢薑叁片棗壹枚煎溫服

四順理中丸 治新產血氣俱傷脾胃不調百日内

宜常服

人參

去蘆

乾薑

炮

白朮

各壹兩

甘草

炙半兩為細末

右煉蜜丸如桐子大每服伍拾丸空心米飲送下

產後通用方

女科五

四

清熱
之

地黃丸

治產後腹痛眼見黑花或發狂如見鬼狀
或胎衣不下失音不語心胸脹滿水穀不化口乾
煩渴寒熱往來口内生瘡咽喉腫毒心中忪悸夜
不得睡產後中風角弓反張面赤牙關緊急或崩
中如豚肝臍腹痛煩躁恍惚四肢腫滿及受胎
不穩唇口指甲青黑

生地黄

研取汁留滓

生薑

各貳斤研取汁留滓

蒲黃

當歸

各肆兩

右於銀石器內取生地黄汁炒生薑滓以薑汁炒
地黃滓各令乾四味同焙研為細末醋煮麵糊為

丸如彈子大每服壹丸食前當歸酒化下 一方

只用地黃生薑依交加法制為末每服叁錢酒下

當歸散

見前胎墮半產條

四味湯

治產後一切諸疾纔方分娩一服尤妙

當歸

心膈煩加半錢

玄胡索

氣悶喘加半錢

血竭

惡露不快加半錢

沒藥

心腹撮痛加半錢

右等分為細末每服貳錢食前以童子小便壹鍾

煎至陸分溫服

玉露散

治產後乳脉不行身體壯熱疼痛頭目昏
眩大便澁滯此藥涼膈壓熱下乳

人參

白茯苓

甘草

各半兩

川芎

苦梗

白芷

各壹兩

當歸

貳錢半

芍藥

柒錢半

右為細末每服貳平錢水壹盞煎至柒分溫服如煩熱甚大便秘者加大黃貳錢半

地黃煎 治產後諸疾

生地黄汁

生薑汁

各壹升

藕汁

半升

大麻仁

參兩去殼研

右和勻以銀器內慢火熬成膏溫酒調服半匙更以北木煎膏入半匙尤佳 產寶方無麻仁用白

蜜治產後虛憊盜汗嘔吐

地黃酒 治產後百病未產一月先釀產訖可服

地黃汁

好麴

好淨秫米

蒸各貳升

右先以地黃汁漬麴令發準家法釀之至熟封七日取清者服常服令酒氣相接勿令絕忌蒜生冷鮮滑雞豬肉一切毒物凡婦人皆可服但夏三月不可釀春秋宜作以地黃汁并滓內米中炊合用之若作一石十石準此二升為則先服當歸湯後服此妙

桃仁煎 療產後百病諸氣

產後

女科

桃仁壹千貳百枚去皮尖及雙仁熬令黃色

右搗令極細以上等酒壹斗伍升同研三四遍如作麥粥法以極細為佳入小長頸瓷瓶中密塞以麵封之納湯中煮一伏時不停火亦勿令火猛使餅口常出在湯上勿令沒之候熟取出溫酒服壹合日再服

產後醋墨

松烟細墨不拘多少用炭火煨通紅以米醋淬之再煨再粹如此柒度右研令

極細用絹羅過纔產了服貳錢以童便調下

黑神散

治婦人產後惡露不盡胞衣不下攻衝心

胸痞滿或臍腹堅脹撮痛及血暈神昏眼黑口噤產後瘀血諸疾並皆治之。又名烏金散治產後

八證一曰因熱病胎死腹中二曰產難三曰胞

衣不下四曰血暈五曰口乾心悶六曰乍寒乍熱

七曰虛腫八曰乍見鬼神九曰月內不語十日腹

痛泄瀉兼服止瀉調氣藥十一曰徧身疼痛十二曰血崩

十三曰血氣不通咳嗽十四曰寒熱心痛月候不

來十五曰腹脹滿嘔逆不定次服朱砂丸三二日妙生薑醋湯下柒丸

十六曰口鼻黑氣及鼻衄此證不可治十七曰喉中氣

喘急效不十八曰中風

產後通用方

女科

七

產後 女 五

熟乾地黄

蒲黃炒

當歸

乾薑炮

桂心

芍藥

甘草各肆兩

黑豆炒去皮半升

右為細末每服貳錢酒童便各半盞同煎服

琥珀散 治產後一切危急之疾

琥珀

朱砂

麝香

香墨醋炙

僵蠶

當歸各貳錢半

鯉魚鱗炒焦

桂心

百草霜

白附子

梁上塵炒令煙出篩淨各半兩

細末之炒生薑熱酒調服貳錢効

千金增損澤蘭丸

療產後百病理血氣補虛勞

澤蘭

甘草

當歸

川芎各壹兩半錢半

附子炮

乾薑

白朮

白芷

桂心

北細辛各壹兩

北防風

人參

牛膝各壹兩貳錢半

柏子仁

熟地黄

石斛各壹兩半

厚朴

藁本

蕪荑各伍錢

麥門冬去心貳兩

右共為細末煉蜜丸如梧桐子大溫酒下貳拾丸

黑龍丹 治產後一切血疾產難胎衣不下危急惡

三後 通用方 女 五

疾垂死者但灌藥得下無不全活

當歸

五靈脂

川芎

良薑

熟地黃 各壹兩

右細剉以沙合盛赤石脂泥縫紙筋鹽泥固濟炭火十斤煨令通赤去火候冷開看成黑糟色取出細研却入後藥

百草霜 伍兩

硫黃

乳香 各壹錢半

花藥石

琥珀 各壹錢

右五味並細研與前五味再研如法修製和勻以米醋煮麵糊丸如彈子大每服壹丸炭火燒令通赤投於生薑自然汁與童子小便入酒漉出控乾

研細只用此酒調下

診

婦人生產之後寸口脉洪疾不調者死沉微附骨

不絕者生

婦人新生乳子脉沉小滑者生實大堅

弦急者死

即不得以時斷臍浴洗冷氣傷兒則成病也舊法胎衣不出恐損兒者依法截臍而巳產處須順四時方而并避五行禁忌若有編雜多令產婦難產○郭氏論曰胎衣不下者因產曰母生時訖流血入衣中衣為血所長衣不母下血之消矣此兩復以次上衝

疾重外有他病身得下無不令
 當歸 五靈脂 熟地黃 川芎
 右細對以沙合盛赤石脂泥縫紙筋鹽泥固濟於
 火十斤候令通赤去火候冷開看成黑褐色取中

滋陰普派 大後藥

不離背生 散入藤坐厚子細武小散普生實大望

散入坐重之對卡口和共飛不歸普派武對州骨

海味只用出西隨下五味再研如法修製和勻以

表對於坐薑自然長與童子小對人出散出對薄

胞衣不下

大矣夫有產兒出胞衣不落者世謂之息胞由產初
 時用力比產兒出而體已疲憊不復能用力產胞經
 停之間而外冷乘之則血道澁故胞衣不出須急以
 方藥救治不妨害於兒所柰者胞繫連兒臍胞不出
 卽不得以時斷臍浴洗冷氣傷兒則成病也舊法胞
 衣不出恐損兒者依法截臍而已產處須順四時方
 面并避五行禁忌若有觸犯多令產婦難產。郭稽
 中論曰胎衣不下者何荅曰母生子訖流血入衣中
 衣為血所脹故不得下治之稍緩脹滿腹以次上衝

產後胎衣不下

女科五

十

產後 婦科五
心胸疼痛喘急者但服奪命丹以逐去衣中之血血散脹消胎衣自下牛膝湯亦效。薛有因惡露入衣脹而不能出有因元氣虧損而不能送出其惡露流衣中者腹中脹痛用奪命丹或失笑散以消瘀血緩則不救其元氣不能送者腹中不脹痛用保生無憂散以補固元氣或用草麻子肉壹兩細研成膏塗母右脚心衣下即洗去緩則腸亦出如腸不上仍用此膏塗腦頂則腸自入益母丸亦效。家人婦胎衣不出胸腹脹痛手不敢近此瘀血為患用熱酒下失笑散一劑惡露胎衣並下。一產婦胎衣不出腹不脹痛手按之痛稍緩此是氣虛而不能送出用無憂散而下前證余詢諸穩婆云宜服益母草丸或就以產婦頭髮入口作嘔胎衣自出其不出者必死授與前法甚效。一產婦產後面赤五心煩熱敗血入胞胞衣不下熱有冷汗思但去其敗血其衣自下遂用烏豆貳合炒透然後燒紅鐵秤錘同豆淬其酒將豆淋酒化下益母丹二丸胞衣從血而出餘證盡平。

奪命丹

附子

半兩

牡丹皮

壹兩

乾漆

貳錢半

右為細末以醎醋壹升大黃末壹兩同熬成膏和

藥丸如梧子大温酒吞下未見不向時

花藥石散 治產後氣欲絕緣敗血不盡血迷血暈

惡血奔心胎死腹中胎衣不下至死者但心頭暖急以童子小便調壹錢取下惡物如豬肝終身無血風血氣疾膈上有血化為黃水即吐出或小便中出也若先下胎衣則泚泚之藥不能達若先治血悶則尋常之藥無此功無如此藥有兩全之効

花藥石 壹斤 上色硫黃 肆兩各研細

右二味相拌令勻先用紙和膠泥固瓦罐子一箇內可容藥候泥乾入藥在內密泥封口了焙籠內

焙令透熱安在四方磚上磚上書八卦五行字用炭一秤籠

疊周匝自已午時從下生火令漸漸上徹有墜下火放夾火上直至經宿炭消火冷又放經宿冷定

取出細研以絹羅至細磁合內盛依法用之此藥便是

療金瘡花藥石散尋常人自宜時時收蓄防急

一親戚婦人產後胞衣不下血漲迷悶不省人事告之曰死矣予曰此血脹也可用花藥石散救之因以一錢童便調灌下即甦其胎衣與惡水旋即下而無恙

芩藟散 治胎衣不下

芎藭

當歸 焙各半兩

榆白皮 壹兩剉

為細末每服貳錢食前用生地黄汁同温酒調下必効方牛膝湯 治胎衣不出臍腹堅脹急痛即殺人服此藥胞即爛下死胎

牛膝

瞿麥 各肆兩

當歸 叁兩

通草 陸兩

滑石 捌兩

葵子 伍兩

右細切以水玖升煮取叁升分叁服若衣不下腹滿即殺人宜服此藥衣即爛出也

牛膝散 治妊娠五六月墮胎胞衣不出

牛膝

川芎

朴硝

蒲黃

各柒錢半 桂心 半兩

當歸 壹兩半

右為粗末每服四錢水壹盞薑薑叁片生地黄壹分煎至陸分去滓温頻服

千金備急丹

治產後惡血衝心胎衣不下腹中血塊以錦紋大黃壹兩為細末用醞醋半升同煎如膏丸如桐子大温醋湯吞伍丸或柒丸須臾惡血即下愈

保命治胎衣不下或子死腹中或血衝上昏悶或血暴下及胎乾不能生產并夏湯主之 方見前催生

下胎丸

下胎丸

半夏

白歛各半

右細末丸如桐子大食後半夏湯下參拾丸漸加至伍拾丸如未効者須廣大其藥榆白皮散主之又不効用大聖散主之有宿熱者宜服人參荊芥散

治胞衣不出若腹脹則殺人 黑豆壹合炒令熟右入

醋壹盞煎參伍沸去豆分為三服酒煮亦可

必効方 治胎衣不下服蒲黃如棗大集驗千金崔氏方並同

又方 生地黄汁壹升苦酒叁合煖服之

又方 黃芩壹合葵子壹合杵碎以水壹盞半煎至壹盞

去滓分二服

廣濟治胎衣不出方

以竈突中土三指撮以水服之集驗千金備急同

又方 伏龍肝一大塊研碎用好醋調令相合納臍中續

煎生甘草湯三四合服

又方 醋湯飲之出

又方 雞子壹枚苦酒壹合和飲之立出

延年方 治胎衣不出腹脹則殺人

吞雞子黃三箇仍解髮刺喉中令嘔即出若困極

以水煮螻蛄壹枚二十沸灌入口汁下即出崔氏同

救急方

赤小豆

男赤粒女拾肆粒

東流順水吞下

療胞衣不下方

一 菰藪實壹箇

取子研

右酒童便各半盞相和煎至

一 米分去滓温服

如無實根亦得

又方

紅花壹兩酒煮濃汁服

又方

以鹿角鎊屑研細參分煮葱白湯調下

凡欲產時必先脫常所著衣以籠籠胞衣自下仍易產

廣濟方

取夫單衣蓋井上立出

又方

取產母鞋底火炙熱熨小腹上下二七次

又方

取路傍破草鞋前截連鼻燒灰童便和酒調下

下

又方

皂角刺燒為末每服壹錢温酒調下

寶慶方

云婦人百病莫甚於生產產科之難臨產莫

重於催生既產莫甚於胞衣不下惟有花藥石散一

藥最為緊要如黑神散琥珀散諸方之類雖皆有驗

然鄉居或遠於藥局倉卒之間無法可施今有一妙

法若產訖胞衣不下停待稍久非特產母疲倦又且

血流入胞中為血所脹上衝心胸喘急疼痛必致危

篤若有此證宜急斷臍帶以少物繫墜

以物繫墜之時切宜用心

先繫然後截斷不爾使其子血脉不潮入胞中則胞衣自當痿縮而下縱淹延數日亦不害人只要產心懷安泰終自下矣累試有驗不可輕信坐婆妄口手法多有因此而亡者慎之慎之

針灸 胞衣不下 三陰交 中極 各瀉之

標幽 又法 照海 內關

甲 女子字難若胞不出崑崙主之

血暈 厥逆 婦人產後血暈 草莽節薄 氣熱 產後血暈 中風

金匱 問曰新產婦人有三病一者病瘕二者病鬱冒三者大便難何謂也師曰新產血虛多汗出喜中風故令病瘕亡血復汗寒多故令鬱冒亡津液胃燥故大便難。按產婦鬱冒即今世所謂血暈也。○**大全** 產後血暈者由敗血流入肝經眼黑花頭目旋暈不能起坐甚致昏悶不省人事謂之血暈。細酒調黑神散最佳庸醫或作暗風中風治之凡暈血熱乘虛逆上湊心故昏迷不省氣閉欲絕是也然其由有三有用心使力過多而暈有下血多而暈有下血少而暈

其暈雖同治之則異當詳審之下血多而暈者但昏
悶煩亂而已當以補血清心藥下血少而暈者乃惡
露不下上搶於心心下滿急神昏口噤絕不知人當
以破血行血藥古法有云產婦纔分娩訖預燒秤錘
或黃石子硬炭燒令通赤置器中急於床前以醋沃
之得醋氣可除血暈產後一月時作為妙崔氏云凡
暈者皆是虛熱血氣奔送腹中空所致欲分挽者第
一須先取醞醋以塗口鼻仍置醋於傍使聞其氣兼
細細飲之此為上法如覺暈即以醋噴面甦來即飲
醋仍少與解之一云仍少與水解之一法燒乾漆令煙濃熏產

母面即醒

如無乾漆取舊漆器火燒烟熏亦妙

○郭稽中論曰產後血

暈者何荅曰產後氣血暴虛未得安靜血隨氣上迷
亂心神故眼前生花極甚者令人悶絕不知人口噤
神昏氣冷醫者不識呼為暗風若作此治之病必難
愈但服清菟散即省○薛產後元氣虧損惡露乘虛
上攻眼花頭暈或心下滿悶神昏口噤或痰壅盛者
急用失笑散主之若血下多而暈或神昏煩亂者大
劑芎歸湯補之或芸臺子散或童子小便有痰加二
陳湯若因勞心力而致者宜補中益氣湯加香附若
因氣血虛極不省人事用清魂散繼以芎歸湯及大

補氣血之劑凡產可用醋漆器熏或用半夏末冷水和丸入鼻孔中並無前患丹溪先生云血暈因氣血俱虛痰火泛上宜以二陳導痰或加減朱砂安神丸以麥門冬湯下亦可大凡產後口眼喎斜等證當大補氣血為主而兼以治痰若脾胃虛而不能固者用六君子湯至五七個月當服安胎飲至八九個月再加大腹皮黃楊腦如臨產時更宜服保生無憂散庶無前患。○家人婦產後小腹作痛忽牙關緊急灌以失笑散良久而甦又用四物加炮薑白朮陳皮而愈。○一產婦兩手麻木服愈風丹天麻丸遍身皆麻神思倦怠瞀熱作渴自汗盜汗此氣血俱虛也用十全大補加炮薑數劑諸證悉退却去炮薑又數劑而愈。但內熱此血虛也用逍遙散而痊。○一婦八月胎下墜或動面黃體倦飲食少思此脾氣虛弱用補中益氣湯倍白朮加蘇梗三十餘劑而安產後眩暈胸滿咳嗽用四物加茯苓半夏桔梗而愈。○一產婦因產飲酒惡露甚多患血暈口出酒氣此血得酒熱而妄行虛而作暈也以佛手散加乾葛二錢一劑而痊酒性慄悍入月及產後不宜飲恐致前證產室人衆喧嚷氣熱亦致此證。○丹溪治一婦面白形長心鬱半

夜生產侵晨暈厥急灸氣海十五壯而甦後以參朮等藥服兩月而安此陽虛也○奉化陸巖治新昌徐氏婦病產後暴死但胸膈微熱陸診之曰此血悶也用紅花數十斤以大鍋煮之候湯沸以木桶盛之將病者寢其上熏之湯氣微復加之有頃婦人指動半目遂甦此與許胤宗治王太后之意同

表 清魂散

澤蘭葉

人參

各貳錢半

川芎

半兩

荆芥

壹兩

一方有甘草

貳錢

右為末用溫酒熱湯各半盞調壹錢急灌之下咽

眼即開氣定即醒

保命荆芥散

治產後風虛血暈精神昏昧

荆芥

壹兩

桃仁

炒伍錢

右細末熟水下參錢微喘加杏仁

炒

甘草各參錢

衍義治產後血暈用荆芥穗為末童便調下貳參錢極妙○產後血暈身瘳直戴眼口角與目外眇向上牽急不知人取雞子壹枚去殼取清以荆芥末貳錢調服遂仍依次調治若無他疾則不須治甚為敏捷

右荆芥例氣虛人不可服

表

來甦散 治臨產用力太過氣血暈悶不省人事

木香 不見火 神麴 炒 陳皮 去白

白芍藥 阿膠 蛤粉炒 麥蘗 炒

黃芪 去蘆 生薑 炒黑各壹錢 糯米 壹撮

苧根 洗淨壹錢半 甘草 炙半錢

右作一服水貳鍾煎至壹鍾幹開口灌下連進為

愈

芎歸湯 治產後去血過多血暈不省

川芎 當歸 各等分

右作一服水貳鍾煎至壹鍾食前服腹中刺痛加

白芍藥口乾煩渴加烏梅麥門冬發寒熱加白芍

藥水停心下加茯苓生薑虛煩不得眠加人參竹

葉

芎歸加芍藥湯治產後去血過多而暈 方見產後血不止

保命集治產後血暈危困

生地黄汁 壹大壹 當歸 赤芍藥 各貳錢半剉

右水煎參五沸溫服如覺煩熱去當歸入童子小

便半盞服之

廣濟治產後血暈心悶不識人神言鬼語氣急欲絕

芍藥 甘草 各壹兩 丹參 柴錢半並為咬咀

產後血暈 女科 五

血而參者且補

生地黄汁

壹升

生薑汁

白蜜

各叁合

右水貳升先煎前藥取捌合下二汁及蜜和勻分

兩服

梅師治產後餘血攻心或下血不止心悶面青身冷氣欲絕新羊血壹盞飲之妙日三服

產後忽冒悶汗出不識人者暴虛故也破雞子叁枚吞之便醒若未醒可與童便壹升甚驗。若產後去血多者又增此疾與雞子不醒者可急作竹瀝汁一服伍合須臾不定再與五合頻與叁五服瘥

又方 松烟墨貳錢燒通紅罈滅為末温酒或醋湯

調服半匕

丹婦人產後血暈此乃虛火載血漸漸暈將上來用鹿角燒灰出火毒研極細用好酒童便調灌下一呷即醒此物行血極効

獨行散 治產後血暈昏迷不省衝心悶絕

五靈脂 貳兩半 生半炒

右為細末每服貳錢温酒調下口噤者拗開口灌之入喉即愈一方加荆芥為末童便調服如血崩不止加當歸酒童便煎不拘時服

治下胎或產後血上衝心已死用鬱金燒存性為末

產後 女科 三十一
貳錢釀醋壹合調灌之立活

產後血暈心悶氣絕紅花壹兩搗為末分作二服酒貳

鍾煎取壹鍾併服如口噤幹開灌之効一方用

紅花參兩新者無灰酒童便各半升煮取壹盞服

產後治血暈蘇木參兩細判水五升煮取貳升分再服

產無蘇木取緋衣煮汁飲之亦得

聖惠治產後血暈不知人及狂語麒麟竭壹兩細研為末非

時以溫酒調下貳錢七

奪命散 治產後血暈血入心經語言顛倒健忘失

志及產後百病

沒藥

血竭各等分

右研細為末纔產下使用童便細酒各半盞煎一

兩沸調下貳錢良久再服其惡血自循下行更不

衝上免生百疾專治婦人方只用白湯調五羊

洪運使子舍孺人產後語言顛倒謔語不已如有

神靈服諸藥無効召陳診之六脉和平陳以此藥

兩服愈

紅花散保 治產後血昏血暈血崩及月事不勻遠

年乾血氣

乾荷葉

牡丹皮

川當歸

紅花

蒲黃炒各等分

右細末每半兩酒煎和查温服如胎衣不下榆白皮湯調半兩

右破血輕劑

牡丹散因治產後血暈悶絕口噤則斡開口灌之

牡丹皮

大黃煨

芒硝各壹兩

冬瓜子半合

桃仁叁拾粒去皮尖

右剉每服伍錢水叁鍾煎壹鍾半去滓入硝又煎分二服

產書治產後心煩手脚煩熱氣力欲盡血暈連心頭

硬及寒熱不禁接骨木破之如筭子壹握以水壹

升煎取半升分温二服或小便數惡血不止服之

卽瘥此木煎三遍其力一般此是起死之方

右重劑血點滴不出者宜用

花藥石散

治產後氣欲絕惡血奔心欲死者但以

童便調壹錢服之取下惡物為妙胞衣不下

黑神散治產後血暈用細酒調服佳產後通用方

右方寒多者用之

治產後血暈心悶亂恍惚如見鬼

生益母草汁

叁合如無根亦可

生地黄汁貳合

童便 壹合

雞子清 叁枚

右以前三味煎三四沸後入雞子清攪停作一服治產後血暈狂語不識人狂亂

童便 貳合

生地黄汁 壹合 赤馬通 柒枚

紅雪 捌分

右以上二味浸赤馬通絞去滓下紅雪溫為兩服

右方熱多者用之

寶

仲景云產婦鬱冒其脉微弱不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之病解能食七八日更發熱者此為胃實大承氣湯主之。今按鬱冒即暈也觀此則產後血暈有汗下和解三法當分表裏虛實精而別之

雜方

張氏方治產後血暈全不省人事極危殆者

右切韭菜入有嘴磁瓶內煎熟醋沃之便密紮瓶口以瓶嘴向產婦鼻孔令醋氣透入須先扶病人起坐惡血衝心故有此證非能去心之滯血加以醋氣運達之用無不効。又方半夏洗不以多少

產後 女科 三十四

為末丸如大豆內鼻中即甦亦療五絕

治胎後血上衝心生薑五片切以水搗升煮取參升

分三服

崔氏療產乳暈絕方以洗兒水飲參合良 或惡血

服少許良

醋墨 產後通用方

針灸 胎產後血暈不省人事 三里 支溝 三陰

交 心術無此穴

標幽 又法 陰交 陽別

世又法 神門 內關 不應取 關元 灸

○ **厥逆** 產後手足厥逆肩井主之 一婦人產後日食

茶粥二十餘碗至一月後遍身冰冷數塊人以指按

其冷處即冷從指下上應至心如是者二年諸治不

効以八物湯去地黃加橘紅入薑汁竹瀝一酒鍾十

服乃温

石散研下 一產婦患此症服峻厲之劑惡露隨下

久而昏憤以手護其腹全以此解氣復傷作痛故用

手護也以人參理中湯加肉桂二劑補之而愈

大全療產後三四日惡露不下

後血暈 人科五 三五

治胎後血上衝心牛薑五片切以水搗末煮取參升

分三服

崔氏療產乳暈絕方以洗兒水飲參合良或惡血

服少許良

聖氏監

按以八味湯去此黃芩訶梨入薑半升煮一酉盡

其令與唱令與訶梨下土煎至心咳是皆二平齋亦不

茶淡二十錫煎至一月與飯良米令燒與人以訶梨

聖氏監下出煎與良米令燒與人以訶梨

血不下

大夫惡露不下者由產後臟腑勞傷氣血虛損或胞

絡挾於宿冷或產後當風取涼風冷乘虛而搏於血

血則壅滯不宣積蓄在內故令惡露不下也○薛前

症若惡露不下用失笑散見後心痛若氣滯血凝用花藥

石散胞衣不下○一產婦患前證服峻厲之劑惡露隨下

久而昏憤以手護其腹余曰此脾氣復傷作痛故用

手護也以人參理中湯加肉桂一劑補之而愈

大全療產後三四日惡露不下

芍藥 拾分

知母 捌分

生薑

產後血不下

大其五

三六

產後 女科

當歸

蒲黃 各肆分

紅花 貳分

荷葉中心蒂 柒枚

生地黄汁 貳合

右細切以水貳升煎至柒合去滓服

荷葉散 療產後惡露不下腹中疼痛心神煩悶

乾荷葉 貳兩

鬼箭羽

桃仁

劉寄奴

蒲黃 各壹兩

右為粗末每服叁錢以童便壹大盞薑貳片生地

黃壹分搥碎同煎至陸分去滓無時熱服

廣濟療產後惡露不多下方

川牛膝

大黃 各貳兩

牡丹皮

當歸 各壹兩半

芍藥

蒲黃

桂心 各壹兩

右為末以生地黄汁調酒服方寸七日二服血下

愈

沒藥丸 治產後惡露方行而忽然斷絕驟作寒熱

臍腹百脉皆痛如錐刺非常此由冷熱不調或思

慮動作氣所擁遏血畜經絡

當歸 壹兩

桂心

芍藥 各半兩

桃仁 去皮尖炒研

沒藥 研各貳錢半

蜜虫 去足翅炒

水蛭 炒焦各叁拾枚

產後 血不下 女科

三七

右為末醋糊丸如豌豆大醋湯下參丸

千金備急丹見胞衣不下

保命治婦人惡血不下

當歸炒

芫花炒等分

右為細末每服參錢酒下又方用好墨醋碎末以童便酒下妙

梅師治產後血不下蒲黃參兩水參升煮取壹升頓服

本事方治產後血不下益母草搗絞汁每服壹小鍾入酒三合攪勻溫服

千金治產後血不去麻子伍升酒壹升浸一宿明日去香溫服壹升不瘥再服壹升不吐不下不得與男子通一月將養如初瘥

黑龍丸見通用方內

生料五積散治產後惡露不快腹中疼痛或腹內有塊及發寒熱並加醋少許煎通口服亦能療血崩

保命治婦人惡血不下

炭

白朮艾葉羌活黃芩並成醋少荷煎服口眼歪斜痰血

主採正黃精酒下 命垂危惡露不封則中寒欲如頭內

黑龍水內用 血不下補黃芩兩木各升者取壹升頓

畏于血一月殊養收既寒

去查盛卵壹長不熟再卵壹托不担不不不掛與

千金益氣湯血不去麻仁散長既壹托氣一節即日

血不止

夫夫產後惡露不絕者由產後傷於經血虛損不足

或分解之時惡血不盡在於腹中而臟腑挾於宿冷

致氣血不調故令惡露淋瀝不絕也。薛前證若肝

氣熱而不能主血用六味地黃丸若肝氣虛不能藏

血用逍遙散若脾氣虛而不能攝血用六君子湯胃

氣下陷而不能統血用補中益氣湯若脾經鬱熱而

血不歸源用加味歸脾湯若肝經怒火而血妄行用

加味四物湯若氣血俱虛用十全大補湯若肝經風

邪而血沸騰用一味防風丸。一產婦惡露淋漓體

倦面黃食少惡寒晝夜不寐驚悸汗出此脾經虛熱用加味歸脾湯而痊後因怒脇脹作嘔少食用六君加柴胡治之而痊

虛

芎歸加芍藥湯 治產後血崩眩暈不知人事

川芎

當歸

芍藥

各等分

右咬咀每服肆錢以水壹鍾半煎至柒分去滓無時熱服

黃生地黃汁阿膠薊根艾白芷煎服

療產後七八日惡露不止

敗醬艸

當歸

芍藥

續斷

各捌分

川芎

竹茹

各肆分

生地黄

炒乾拾貳分

右細剉以水貳升煮取捌合空心頓服

丹二七孺人產後冒寒哭多血再下身潤脉沉

當歸

白朮

陳皮

川芎

乾薑

黃芩

各貳錢

芍藥

壹錢

炙甘草

少許

右分二貼水煎服

王孺人因憂慮墮胎後兩月餘血不止腹痛此體虛

虛中
有滯

虛中
有寒

產後血不止

女科五

三十九

氣滯惡物行不盡

陳皮

壹錢

白朮

貳錢

芍藥

壹錢

木通

川芎

伍分

甘草

貳分

作湯下五芝丸陸拾粒食前

熱者清之

獨聖湯

療產後亡血過多心腹徹痛然後血下久而不止亦治赤白帶下年深諸藥不能療者良驗

貫衆

狀如刺蝟者壹个全用只採去毛花蔓用之不判斷

右用好醋蘸濕慢火炙令香熟候冷為細末用米

飲調下貳錢空心食前服

下

千金治產後惡血不盡或經月或半歲者升麻參兩

清酒五升煮取貳升半分温再服

者

牡蠣散

治產後惡露淋瀝不絕心悶短氣四肢乏

弱頭目昏重煩熱不思飲食面黃體瘦

牡蠣

煨

川芎

熟地黄

白茯苓

龍骨

各壹兩

續斷

當歸

艾葉

酒炒

人參

五味子

地榆

各半兩

甘草

貳錢

右為末每服貳錢水壹中盞生薑叁片棗壹枚煎

至陸分去滓食前服

益

產書產後猶有餘血水氣者宜服豆淋酒黑豆伍升

產後血不止

女科五

三

熬令烟盡於磁器內以酒壹斗焯之蓋豆淋酒治
汚血又能發表也

治產後惡血不絕崩血不可禁腹中絞痛氣息急治
葶中三十六疾廣濟方

亂髮燒壹兩

阿膠貳兩

代赭石

乾薑各叁兩

馬蹄殼壹枚燒

乾地黄肆兩

牛用伍兩
酥炙

右為細末煉蜜丸如梧桐子大每服叁肆拾九空
心米飲下日二服

返魂丹見前胎產大法

文仲葛氏治惡露不絕方以鋸截桑木取屑九指

撮酒服之

又方炙桑白皮煮水飲之

秘錄治胎落下血不止以桑木中蠹蟲燒末酒服方

寸七日二服

療產後泄血不止無禁度及治腹痛胸膈悶以薑黃

為末酒服方寸七日三四服

胡氏云薑黃治惡露不止

療產後血不止虛羸迨死亦治血氣蒲黃貳兩水貳

升煎八合頓服

共煎入合煎也

寒甚發血不止或瀉血不止或血虛黃疸兩水瀉

為末煎服六七日三四服或惡露不止

寒甚發血不止無禁更或前經閉阻因以薑黃

十日一日二服

寒甚發血不止以桑木中蠹蟲末煎服六

又寸為桑白皮煮水燉之

婦人經之

文中甚及或惡露不發六

心痛

夫全產後心痛為陰血虧損隨火上衝心絡名曰心

胞絡痛宜大岩蜜湯治之若寒傷心經名曰真心痛

朝發夕死夕發朝死無藥可救○薛前證若陽氣虛

寒用岩蜜湯溫之瘀血上衝用失笑散散之血既散

而痛仍作用八珍湯補之大凡心腹作痛以手按之

却不痛此血虛也須用補養之劑○一產婦患前證

昏憤口禁冷汗不止手足厥逆用六君子加附子壹

錢以迴其陽二劑頓甦又以十全大補湯養其血氣

而安○一產婦患前證手不敢近腹用失笑散一服

產後... 下瘀血而愈次日復痛亦用前藥而安。○一產婦患前證用大黃等藥其血雖下復患頭痛發熱惡寒次日昏憤自以兩手堅護其腹不得診脈視其面色青白余謂脾氣虛寒而痛也用六君子湯加薑桂而痛止又用八珍湯加薑桂調理而安。

七氣手拈散

治產後心氣攻痛

玄胡索

小懷香

乾漆炒

枳殼各貳錢

黃連

石膏蒲

香附子

蘇葉各壹錢半

沒藥

乳香各壹錢

甘草陸分

右剉散分作二服每服用水壹盞半薑叁片煎至柒分空心服

大岩蜜湯

生乾地黄

當歸

獨活

吳茱萸

芍藥

乾薑

甘艸

桂心

小草各壹兩

細辛半兩

右為散每服半兩水叁盞煎至壹盞去滓稍熱服。○評曰產後心痛雖非產蓐常疾痛或有九痛未必便是血痛設是岩蜜湯豈可用熟地黄熟地黄泥

血安能去痛此方本出千金用生乾地黄耳茱萸
 一升合準五兩乾薑三兩細辛治停寒在下焦方
 本一兩却減半兩制奇制耦量病淺深自有品數
 不可妄意加減然以岩蜜湯治血痛不若失笑散
 更捷

失笑散

治心腹痛欲死百藥不効服此頓愈此方與紫

鐵心大
同小異

五靈脂

蒲黃各等分

右為末先用醞醋調貳錢熬膏入水膏蓋煎至柔
 分食前熱服良驗

經心錄蜀椒湯 療產後心痛此大寒所為

蜀椒貳合

芍藥叁兩

半夏

當歸

桂心

人參

甘草

茯苓各貳兩

生薑汁伍合

蜜壹升

右切以水玖升煮椒令沸下諸藥煮取叁升半去
 滓下薑汁及蜜更煎取叁升服伍合至陸合

火龍散亦治產後心痛方見胎前心痛

治產後血不盡心腹痛荷葉熬令香為末水煎下方
 寸匕

聖惠治產後惡血衝心痛氣悶欲絕用桂心參兩搗
羅為散狗膽汁和丸如櫻桃大不拘時候熱酒磨

下貳丸

玄胡索散

手拈散俱心痛

靈淋瘕合

芒藥參兩

半夏

靈心疑靈淋

靈心疑靈淋

腹痛

薛產後小腹作痛俗名兒枕塊用失笑散行散之若
惡露既去而仍痛用四神散調補之若不應用八珍
湯若痛而惡心或欲作嘔用六君子湯若痛而泄瀉
用六君子湯送四神丸若泄瀉痛而或後重用補中
益氣湯送四神丸若胸膈飽脹或惡食吞酸或腹痛
手不可按此是飲食所致當用二陳加山查白朮以
消導若食既消而仍痛或按之不痛或更加頭痛煩
熱作渴惡寒欲嘔等證此是中氣被傷宜補脾胃為
主若發熱腹痛按之痛甚不惡食不吞酸此是瘀血

產後

腹痛

女科

三

停滯用失笑散以消之。若止是發熱頭痛或兼腹痛，按之却不痛，此是血虛用四物加炮薑參朮以補之。病機要云：胎產之病從厥陰經論之，無犯胃氣及上中二焦為之三禁，不可汗不可下不可利。小便發汗者同傷寒下早之證，利大便則脈數而已動於脾，利小便則內亡津液，胃中枯燥，製藥之法能不犯三禁，則榮衛自和而寒熱止矣。如發渴用白虎氣弱用黃芪血刺痛則用當歸，腹中痛則加芍藥，宜詳察脈證而用之。丹溪先生云：產後當大補氣血為先，雖有雜證從未治之。一切病多是血虛，皆不可發表。○一產婦腹痛發熱，氣口脈大，余以為飲食停滯，不信，乃破血補虛，反寒熱頭痛嘔吐涎沫，又用降火化痰理氣，四肢逆冷泄瀉下墜，始悔問余曰：何也？余曰：此脾胃虛之變症也。法當溫補，遂用六君加炮薑貳錢、肉桂、木香各壹錢、四劑，諸證悉退，再用補中益氣之劑，元氣悉復。○一婦人產後腹痛，後重去痢無度，形體倦怠，飲食不甘，懷抱久鬱，患齒唇寐而盜汗如雨，竟夜不敢寐，神思消爍。余曰：氣血虛而有熱，用當歸六黃湯內黃芩連檉炒黑一劑，汗頓止，再劑全止，乃用歸脾湯八珍散，兼服元氣漸復而愈。○一產婦小腹作

痛服行氣破血之藥不効其脉洪數此瘀血內潰爲膿也以瓜子仁湯二劑痛止更以太乙膏下膿而愈產後多有此病縱非癰用之更効。一產婦小腹痛小便不利用薏苡仁湯二劑痛止更以四物加紅花桃仁下瘀血而愈大抵此證皆因榮衛不調或瘀血停滯所致若脉洪數已有膿脉但數微有膿脉遲緊乃瘀血下之即愈若腹脹大轉側作水聲或膿從臍出或從大便出宜用蠟礬丸太乙膏及托裏藥。一產婦小腹痛有塊脉芤而瀉以四物加玄胡紅花桃仁牛膝木香治之而愈。一婦產後小腹患痛服瓜子仁湯下瘀血而痊凡瘀血停滯宜急治之緩則腐化爲膿最難治療若流注關節則患骨疽失治多爲敗證。一婦人寒月中產後腹大痛覺有塊百方不治一人教以羊肉肆兩熟地黄貳兩生薑壹兩水煎服之二三次愈。

兒枕

敗血
寒

大兒枕者由母胎中宿有血塊因產時其血破散與兒俱下則無患也若產婦臟腑風冷使血凝滯在於小腹不能流通則令結聚疼痛名之曰兒枕也。延胡索散 治產後兒枕腹痛。

延胡索

當歸 各壹兩

真琥珀

產後 腹痛

女科 五

三十一

蒲黃炒各貳錢半

赤芍藥半兩

桂心半兩

紅藍花貳錢

右為細末以童便合酒溫溫調參錢食前服

療新產後七八日腹痛兩脇痛

當歸

劉寄奴

苦梗

各拾貳分

延胡索

別為末

桂心

陳皮

各肆分

茯苓

芍藥

各捌分

右以咀以水貳升煮取捌合調延胡索末空心服

療先患冷氣因產後發腹痛

川芎

桂心

當歸

吳茱萸

茯苓

芍藥

甘草

各陸分

桃仁拾分

右以咀以水柒升煮取貳升去滓分參服

丹產後三日血塊痛發熱

五靈脂

畧炒

牡丹皮

沒藥

滑石

右研細分五貼豆淋酒調下之食前

馮家產後發熱腹中痛有塊自汗惡寒曾服黑神散

白朮

芍藥

參錢

滑石

伍錢

黃芩

牡丹皮

各貳錢半

人參

產後腹痛

文

三

川芎

當歸尾

陳皮

荆芥

乾薑各壹錢

甘草少許

治血痕痛無定處

童便叁升

生地黄汁

生藕汁各壹升

生薑汁貳升

右先煎三味約三分減二次下薑汁慢火煎如稀

餒每取壹合温酒調下

虛

黑神散

療產後血塊痛經脉行後腹疼并經脉不

調

熟地黄壹斤

陳生薑半斤

右二味同和炒乾為末每服貳錢用烏梅調下常

服酒調經脉不通烏梅荆芥酒調下

氣滯

行之

汗血

重劑

一方用山查濃煎汁入沙糖少許再煎熱服

治兒枕痛乃血痕也用真蒲黃研細調酒服貳錢如

躁渴者新汲水調下 又方隔年蟹殼燒灰酒調下

治產後兒枕大痛黑白散

烏金石

醋煨赤

寒水石

煨存性

右各收之痛時各抄壹錢半米飲調下痛止勿服

未止再服

海藏云四物加玄胡索沒藥白芷湯治產後敗血作

痛通治婦人諸疾

輕劑

四物苦棟湯

雜病腹痛

一方治臍下痛不可忍四物湯

加玄胡索貳錢半服之

紫金丹治產後臍下痛即失笑散醋為丸是也立

劫散治產枕痛不可忍用五靈脂慢火炒乾為末温

酒下貳錢立瘥

惡露不盡金匱產後七八日無太陽證少腹堅痛此

惡露不盡不大便煩躁發熱切脉微實再倍發熱日

晡時煩躁者不食食則譫語至夜即愈宜大承氣湯

主之熱在裏結在膀胱也○大承氣後惡血雖常通

行或因外感五邪內傷七氣致令齟然而止餘血壅

滯所下不盡故令腹痛當審其因而治之 一產婦

小腹痛甚牙關緊急此瘀血內停灌以失笑散下血

而甦又用四物加炮薑白陳皮而愈○一婦人經

水來比常度過多不止遂用瀉藥止之致腹作痛此

乃氣血凝滯也用失笑散二服而愈

地黄散 治產後惡血不盡腹中疼痛

生地黄炒

當歸各貳錢

生薑半兩切如芡實大斬

瓦上焙 今焦黑

右為細末每服貳錢空心薑酒調下

當歸血竭丸

治婦人產後惡露不下結聚成塊心

產後腹痛

女科

四十一

胸痞悶及臍下堅痛

當歸

血竭

芍藥

蓬朮

炮各
貳兩

五靈脂

肆兩

右為細末醋糊和丸如梧桐子大每服五拾丸食

前温酒送下

温隱居澤蘭湯

治產後惡露不盡腹痛往來兼胸

滿少氣

澤蘭

熬

生乾地黄

當歸

各柒
錢半

芍藥

生薑

細切蠅頭大新瓦
上炒焦各貳兩半

甘草

壹兩

大棗

拾肆

細切水玖升煮參升分三服欲死塗身得瘥

卷荷散

治產後血上衝心血刺血暈血氣腹痛惡

露不快

卷荷

初出
水者

紅花

當歸

各壹
兩

蒲黃

隔紙
炒

牡丹皮

各半
兩

右為細末每服貳錢空心鹽酒調下一臘内童子

小便調

又方產後下血不盡腹内堅痛不可忍

當歸

芍藥

桂心

各叁兩

桃仁

壹百貳
拾粒製

產後腹痛

文十五

四二

右水陸升煮貳升溫分兩服未差加大黃

又方產後血結下不盡腹中絞痛不止

大黃

別浸

生乾地黄

當歸

各拾分

川芎

桂心

芍藥

各捌分

甘草

黃芩

各陸分

桃仁

肆拾玖粒製

細切水柒升煮貳升半入大黃煎三沸分溫三服

又產後血下不盡腹中痛無計

青木香

當歸

牛膝

川芎

黃芪

芍藥

各捌分

大黃

拾叁分浸

芒硝

拾貳分

細切水柒升煮貳升半入大黃更三沸分三服

又產後惡露不盡結聚小腹疼痛

當歸

柒錢半

香附子

壹兩

琥珀

沒藥

青皮

赤芍藥

木香

桂心

各半兩

右為細末以烏豆淋酒調貳錢

產寶治產後餘血作疼兼塊者

桂心

薑黃

各等分為細末

酒調方寸匕血下盡妙

產乳方芸薹散

產後惡露不盡血結刺痛名血母

塊兼治心腹諸疾

產後
婦科

芸薹子

炒 隔紙

當歸

桂心

赤芍藥

各等分

細末酒調貳錢產後可常服

黑神散治產後惡露不盡心胸痞悶臍腹撮痛汚血

諸疾

產後通

丹治產後惡露未盡小腹作痛

五靈脂

末

香附末

右合和醋為丸甚者加留尖桃仁

壹方加 蛤粉

救急療惡露不盡腹脹痛取亂髮如雞子大灰水

洗垢淨燒存性末之酒調服貳錢

又療產後血不盡心腹痛悶方取荷葉燒灰存性

熱湯和服煮取汁飲之亦良

又方以鐵秤錘壹枚燒赤投酒中

酒準 伍升

用此酒煮

當歸參兩取貳升去滓分溫再服千金同一方無

當歸

大全以惡露不盡腹痛及兒枕心腹刺痛小腹疼痛

寒疝分為四門由母胎中宿有血塊產後不與兒俱

下而仍在腹作痛謂之兒枕其惡露下不快而作痛

者胎中原無積聚不為兒枕也若惡露已盡或由它

故腹痛如仲景枳實芍藥散證或由血虛腹痛如仲

景當歸生薑羊肉湯證自當別論故復臚列諸名方

產後
復腹痛

六十五

四

產後 婦科五
於後若服枳實芍藥散不愈仍當求責瘀血也故下
瘀血湯諸方附焉而補虛諸方終之不復立寒疝條
金匱云產後腹痛煩滿不得卧枳實芍藥散主之
枳實芍藥散方

枳實 燒令黑 勿太過 芍藥 各等分

右二味杵為散服方寸匕日三服并主癰膿以麥
粥下之

○產前證若因氣滯用延胡索散若因外寒用五積
散若因怒氣用四物加木香柴胡若因血虛用四
物參朮炮薑若因陽氣虛弱用四君當歸炮薑若

因脾虛血弱用六君當歸炮薑治之。○一產婦患
前證或作嘔或昏憤此脾氣虛寒用人參理中湯
漸愈又以補中益氣湯加茯苓半夏全愈後復作
痛而兼喘仍用補中益氣湯培補脾肺而瘥

師曰產婦腹痛法當以枳實芍藥散假令不愈者此
為腹中有乾血着臍下宜下瘀血湯主之
下瘀血湯方

大黃 貳兩 桃仁 貳拾枚 廔蟲 貳拾枚 熬去足

右三味末之煉蜜和為肆丸以酒壹升煎壹丸取
捌合頓服之新血下如豚肝

產後腹痛 卷五 四十五

產後

女科

四十五

保命方治血暈血結或聚於胸中或偏於小腹或連於脇肋四物湯四兩倍當歸川芎加鬼箭羽紅花玄胡各壹兩同為粗末加下四味煎調沒藥散服

沒藥

壹錢去翅足炒

水蛭

壹錢炒

麝香

少許

右為末入前藥調服血下痛止只服一服

千金桃仁芍藥湯

治產後腹痛

桃仁

半升

芍藥

川芎

當歸

桂心

乾漆

碎熬

甘草

各貳兩

細切水捌升煮貳升半分三服

續劑

延胡索散

治產後臍下痛

延胡索

桂心

各半兩

當歸

壹兩

右為細末熱酒調下貳錢

香桂散

治產後臍下疼痛不止

川芎

當歸

各貳錢半

桂心

半兩

右為細末分為三服每服酒壹錢煎三五沸更入

童便少許煎至柒分溫服甚者不過再服即瘥

又方

釜底墨

醋炒令乾

延胡索

劉寄奴

桂心

菴闍子

產後腹痛

女科

四十六

右等分爲末熟酒調下貳錢

紫金丸 治產後惡露不快腰痛小腹如刺時作寒

熱頭痛不思飲食亦治久有瘀血月水不調黃瘦

不思飲食並能治之亦可療心痛與失笑散同煎

五靈脂 水淘去砂石焙乾秤炒爲末

真蒲黃

右以好米醋調五靈脂慢火熬成膏次以蒲黃末

搜和丸如櫻桃大每服壹丸水與童便各半盞煎

至柒分令藥化溫服之少頃再一服惡露卽下久

有瘀血成塊月信不利者並用酒磨下

當歸養血丸 治產後惡血不散發渴心腹疼痛及

惡露不快臍下急痛連及腰脚疼痛

當歸

赤芍藥

牡丹皮

延胡索

各貳兩 桂心 壹兩

爲末煉蜜丸梧子大空心酒下參肆拾丸痛甚者

細嚼下

溫補

金匱產後腹中疝痛當歸生薑羊肉湯主之并治腹

中寒疝虛勞不足

當歸生薑羊肉湯

當歸 參兩

生薑 伍兩

羊肉 壹斤

右三味以水捌升煮取參升溫服柒合日三服若

產後腹痛

卷十五

四七

寒多者加生薑成壹斤痛多而嘔者加橘皮 白
朮 加生薑者亦加水伍升煮取叁升貳合服之
行一婦人產當寒月寒氣入產門臍下脹滿手不得
犯此寒疝也醫將治之以抵當湯謂其有瘀血也予
教之曰非其治也可服張仲景羊肉湯少減作二服
遂愈

產後六七日忽然臍腹痛皆由呼吸之間冷氣乘虛
而入宜服當歸建中湯四順理中丸共研再丸作小
丸飯飲吞下極妙

仲景內補當歸建中湯治婦人產後虛羸不足腹中
刺痛不止吸吸少氣或苦少腹中急痛引腰背不
能飲食產後一月日得服四五劑為善令人強壯

當歸

肆兩

桂枝

叁兩

芍藥

陸兩

生薑

叁兩

甘草

貳兩

大棗

拾貳枚

右六味以水壹斗煮取叁升分温三服一日令盡
若大虛加飴糖陸兩湯成內於火上煖令飴消若
去血過多崩傷內衄不止加地黃陸兩阿膠貳兩
合八味湯成內阿膠服之

濟生增損四物湯 治產後陰陽不和乍寒乍熱惡
露停滯亦令寒熱但看小腹急痛為異

產後 女科

當歸 酒浸

白芍藥

川芎

人參 各壹兩

甘草 炙半兩

乾薑 壹兩

右咬咀每服肆錢薑叁片水煎無時熱服

千金治產後餘疾腹中絞痛瘦乏不下食

當歸

黃芪

芍藥 各陸分

乾地黄

白朮 各捌分

桂心

甘草 各肆分

大棗 拾肆枚

右咬咀水貳升煮取捌合空心服忌生葱

丹溪云局方五積散治產後餘血作痛以蒼朮為君

麻黃為臣厚朴枳實為使雖有當歸芍藥之補血僅

及蒼朮三分之一不思產後之婦有何寒邪血氣未

充似難發汗借曰藥性溫和可以推陳致新豈可用

麻黃之悍附以蒼朮枳朮之散乎虛而又虛禍不旋

踵矣

附腸中洋治婦人產後腸中痒不可忍以針線袋安

所卧褥下勿令人知又方取箭籛及鏃安所卧席

下勿令婦知

產後

女科

四九

右咬咀每服肆錢薑水煎服

下冷令噦喉餘疾腹中絞痛腹之不下食

近世醫不令入味又云阻滯韓文瀝定西恒劑

刺刺入重對中寒不可以檢錄安

甄笑

麻黃之弊所以蒼木味林之錯平盡而又盡斷不效

奈心藥發于昔曰藥卦盡味可以辨刺姪滯豈可因

又蒼木三分之一不思華對之噦亦同寒保血痰未

脇脹痛

因產後兩脇脹滿氣痛由膀胱宿有停水因產後惡

露下不盡水壅痞與氣相搏積在膀胱故令脇肋脹

滿氣與水相激故令痛也○薛前證若肝經血瘀用

玄胡索散若肝經氣滯用四君青皮柴胡若肝經血

虛用四物參朮柴胡氣血俱虛用八珍柴胡若腎水

不足不能生肝用六味丸若肺金勢盛剋制肝木用

瀉白散仍參前各論主之○一產婦因怒兩脇脹痛

吐血甚多發熱惡寒胸腹脹痛余以為氣血俱虛用

八珍加柴胡丹皮炮薑而血頓止又用十全大補湯

產後脇脹痛

卷十五

五十一

而寒熱漸退此證苟非用薑桂辛溫助脾肺以行藥
勢不惟無以施其功而反助其脹耳
經効療產後血氣脇肋脹痛

當歸 壹拾貳分

芍藥

苦梗

檳榔

枳殼 各捌分

桂心

青木香

柴胡 各陸分

右吹咀以水貳升煎取捌合去滓空心分溫貳服

療產後惡露不下血氣壅痞脇脹痛不下食

蘇木

紫葳 各拾貳分

芍藥

當歸 各捌分

桂心

蒲黃 各陸分

生地黄汁 叁合

右以咀以水貳升煎取柒合下蒲黃分兩服

當歸散 治產後腹痛脇肋脹滿

當歸

乾薑 等分

右為末每服叁錢水壹盞煎捌分入鹽醋少許食

前熱服 選奇方用酒煎

經効理血氣煩悶脇肋脹滿及痛

芍藥 捌分

蒲黃

延胡索 各肆分

當歸 陸分

荷葉蒂 叁枚

右水貳升煎取柒合後入蒲黃空心分作兩服

產後脇脹痛

卷十五

五十二

廣濟療產後腹痛氣脹脇下悶不下食兼微利

茯苓

人參

當歸

甘草各陸分

生薑

陳皮各肆分

厚朴捌分

右咬咀以水貳升煎取捌合去滓分溫服

抵聖湯治產後腹脇悶滿或嘔吐者

赤芍藥

半夏

澤蘭葉

陳皮

人參

甘草等分

右咬咀每肆錢薑伍片煎溫服

○腰痛

大腎主腰脚產後腰痛者為女人腎位繫於胞產則勞傷腎氣損動胞絡虛未平復而風冷客之冷氣乘腰故令腰痛也若寒冷邪氣連滯背脊則痛久未已後忽有娠必致損動蓋胞絡屬腎腎主腰故也○薛前證真氣虛邪乘之者用當歸黃芪湯或十全大補為主佐以寄生湯如不應用十全大補加附子○一產婦腰痛腹脹善噫諸藥皆嘔余以為脾虛血弱用白朮一味炒黃每劑一兩米泔煎時飲匙許四劑後漸安百餘劑而愈

療產後風冷腰痛不可轉側四肢沉重行步艱難

獨活

川芎

芍藥炒黃

桂心

續斷

生薑

桑寄生

各陸分當歸

防風各捌分

右咬咀以水參升煮取壹升去滓空心分二服

千金大豆酒 療產後中風腰背強痛中風煩燥苦

渴頭身皆重此因風冷及傷寒所致

用大豆伍升炒以酒壹升投之密蓋令温去三服

壹升日夜數服卧取微汗避風亦有加羌活服者亦佳

生料五積散加桃仁煎亦妙

保命治血癖腹乃刺刺腰痛用四物湯細末參兩加

酒煮玄胡索末貳兩每服參錢酒下

廣濟療產後虛冷血氣流入腰腿痛不可轉

敗醬

當歸各捌分

川芎

桂心

芍藥各陸分

右咬咀水貳升煮取捌合分温二服忌葱

救急療婦人產後餘血不盡血流入腰脚疼痛胸滿

氣急兩脇痛方

生薑壹斤

淡竹葉壹升切

右二味以水貳升煮取壹升去滓分温貳服

生地黄湯廣濟 療產後三日患腰疼腹中餘血未盡

并手脚疼不下食

生地黄汁壹升 芍藥

甘草各貳兩

丹參肆兩 蜜壹合

生薑汁半合

右以水參升煮取壹升去滓內地黃汁蜜薑汁微

火煎一兩沸一服參合日二夜三利一兩行中間

進食與藥更進服

如神湯方見腰痛

產後惡露方行忽然漸少斷絕不來腰中重痛下注

兩股痛如錐刀刺痛入骨中此由血滯於經絡不即

通之有大痛處必作癰疽宜桃仁湯恐作癰者預服

五香連翹湯

桃仁湯方

桃仁去皮

蘇木

生地黄各半兩

蜜虫去足

水蛭少各叁拾枚

右為粗末每服叁錢水壹盞煎至陸分去滓溫服

無時惡露下即住服

五香連翹湯方一方有大黃壹兩

木香

沉香

丁香

乳香

麝香

升麻

獨活

桑寄生

連翹

木通

各貳兩共為粗末

每服伍錢水貳盞煎壹盞去滓入竹瀝少許溫服
紫金丸治產後惡露不快腰痛小腹如刺寒熱腹痛
久有瘀血月水不調亦可治心痛方見前

虛當歸黃耆湯

治產後腰痛不可轉側自汗壯熱身

體強氣短

黃耆

芍藥

各貳兩

當歸 叁兩

右剉每服肆錢薑肆片水煎溫服

○頭痛

因夫人頭者諸陽之會也凡產後五臟皆虛胃氣虧
弱飲食不充穀氣尚乏則令虛熱陽氣不守上湊于
頭陽實陰虛則令頭痛也。又有產後敗血頭痛不
可不知黑龍丹言之甚詳。薛前證若中氣虛用補
中益氣湯加蔓荊子若血虛用四物加參朮血氣俱
虛用八珍湯若因風寒所傷用補中益氣湯加川芎
○一產婦患頭痛日用補中益氣湯不缺已三年矣
稍勞則惡寒內熱為陽氣虛以前湯加附子壹錢數
劑不發。○一婦人產後頭痛面青二年矣日服四物

等藥余謂腎水不能生肝木而血虛用六味丸加五味子兩月而痊

川芎散 治產後頭痛

真天台烏藥皮

大川芎 等分

右為細末每服參錢燒紅秤錘淬酒調服

一奇散 治同前

取當歸川芎為細末每服貳錢水壹盞煎柒分溫服

芎附散 治產後敗血作梗頭痛諸藥不効者

大附子壹枚醃醋壹碗用火四畔炙透醮醋令盡

去皮臍加川芎壹兩並為末每服壹錢又作茶清

調下

郭茂恂嫂金華君產七日不食始言頭痛頭痛已又心痛作既而目睛痛如割如刺更作更止相去無瞬息間每頭痛甚欲取大石壓良久漸定心痛作則以十指抓壁血流滿掌痛定目復痛又以兩手自剜取之如是十日不已眾醫無計造黑龍丹半粒疾少間中夜再服下瞑目寢如平時至清晨下一行約三升許如蝗蚩子三疾減半已刻又行如前則頓愈矣龍

丹見前產後通方

後通方

六十五

三六

丹一婦年三十餘產後身熱頭痛肚痛

陳皮

白朮

白芍藥

各貳錢

黃芩

貳錢半

川芎

壹錢

乾薑

壹錢

牡丹皮

甘艸

各壹錢半

荆芥

半錢

右分四貼水煎服

加減四物湯

治產後頭痛血虛痰癖寒厥皆令

頭痛

蒼朮

壹兩陸錢

羌活

川芎

防風

香附

炒

白芷

各壹兩

石膏

貳兩半

細辛

壹兩半

當歸

甘草

各半兩

右麤末每用壹兩水煎不拘時服

如有汗者知

氣弱頭痛也方中加芍藥參兩桂壹兩半生薑煎

如痰癖頭痛加半夏參兩茯苓壹兩生薑煎

如熱痰頭痛加白芷參兩石膏參兩知母壹兩

如寒厥頭痛加天麻參兩附子壹兩半生薑參片

煎服

絡調之此涉專門未易輕論既非產後要病更不繁引。陳無擇雖有此論然小續命湯加減與之用無不効故百問云寒中三陽所患必冷小續命湯主之加生薑暑中三陰所患必熱小續命湯去附子減大煩躁者紫雪最良予取百問中加減法如無紫雪用庶使後人均得治療真薄荷煎冷水嚙下婁云諸方必與四物湯各半服之補氣血為主佐以小續命湯寄生湯如不應用大防風湯。一產婦患前證或用獨活寄生湯而痊後復作服前湯其汗如水更加口噤吐痰余用十全大補湯培養血氣漸愈後飲食日少肌體日瘦吐痰如湧此命門火衰脾土虛寒用八味丸及加味歸脾湯諸證漸退肌肉漸生

獨活寄生湯 治肝腎虛弱或久履濕冷之地或洗足當風濕毒內攻兩脛緩縱攣痛痺弱或皮肉紫破足膝攣重又專治產後脚氣

川獨活參兩

桑寄生如無以續斷代

杜仲炒

牛膝去蘆酒浸

細辛

官桂不見火

白茯苓

防風

川芎

當歸

人參

熟地黄酒洗

芍藥

秦艽各貳兩

甘草炙壹兩

昏憤六脉洪大如無用補中益氣加炮薑半夏一劑
頓退二三又劑寢食甘美但背強而痛用八珍散大
補湯調理而安。一產婦遍身頭項作痛惡寒拘急
脉浮緊此風寒之證也用五積散一劑汗出而愈但
倦怠發熱此邪氣去而真氣虛也用八珍湯調補而
痊。一婦六月產後多汗人倦不敢袒被故汗出被
裡冷則浸漬得風濕疼痛遂以羌活續斷湯數服而
愈。

趁痛散岐 治產後氣弱血滯遍身疼痛及身熱頭
疼。

牛膝

當歸

桂心

白朮

黃芪

獨活

生薑

各半兩

甘草

薤白

各貳錢半

右咬咀每服半兩水參盞煎至壹盞半去渣食前
服。陳無擇評曰趁痛散不特治產後氣弱血滯
兼能治太陽經感風頭疼腰背痛自汗發熱若其
感寒傷食憂恐驚怒皆致身疼發熱頭痛况有羸
勞諸證尤甚趁痛散皆不能療不若五積散入醋
煎用却不妨。

五積散加酒煎治感寒頭痛身疼方見傷寒門恐與

四物各半服之穩當加桃仁煎治腰痛逐敗血去風濕

大治產後遍身青腫疼痛及衆疾

牛膝

大麥蘖

各等分

右為細末以新瓦罐子中填一重麥蘖一重牛膝如此填滿用鹽泥固濟火煨過赤放冷研為散但是產後諸疾熱酒調貳錢下

活血丹

蒼朮四物各半湯

並見雜病身痛

烏金散治產後骨節四肢疼痛

見後狂言謔語

○中風

大夫產後中風者由產時傷動血氣勞損藏府未嘗平復起早勞動致使氣虛而風邪乘虛入之故中風風邪冷氣客於皮膚經絡但疼痺羸乏不任少氣大凡筋脉挾寒則攣急喎僻挾溫則縱緩虛弱若入諸藏恍惚驚悸隨其所傷府藏經絡而生病焉。○郭稽中論曰產後中風者何荅曰產後五七日內強力下床或一月之內傷於房室或懷憂怒擾盪冲和或因食生硬傷動藏府得病之初眼澁口噤肌肉瞶搖漸至腰脊筋急強直者不可治此乃人作非偶爾中風

所得也。薛前證果外邪所屬形氣不足病氣有餘當補元氣為主稍佐以治病之藥若強力不休月內入房屬形氣俱不足當純補元氣多有復甦者若誤投風藥乃促其危也。

丹產後中風口眼喎斜必用大補氣血然後治痰當以左右手脉分其氣血多少以治切不可作中風治用小續命湯及發表治風之藥。

防風湯 治產後中風背項強急胸滿短氣

防風

獨活

葛根

當歸

人參

白芍藥

甘草

炙各二兩

右為咬咀每服捌錢水壹盞半棗子貳枚擘破同煎至壹盞去滓溫服不拘時。

煎至壹盞去滓溫服不拘時。

川芎散 治產後中風身背拘急有如繩束

川芎

羌活

酸棗仁

羚羊角屑

芍藥

桑白皮

防風

去蘆壹兩貳錢

為咬咀每服壹兩水貳大盞煎至壹盞半去滓不拘時服日進三服。

拘時服日進三服。

經効茯苓湯 治產後風虛頭痛語言謇澁。

產後中風

以手口

六三

茯苓 去皮 防風 去蘆 乾葛 各捌錢

麥門冬 去心 芍藥 黃芩 各陸錢

犀角屑 肆錢 甘草 炙貳兩

右咬咀每服壹兩水壹大盞半煎至壹盞去滓溫服不拘時

鹿肉湯 治產後中風頭痛壯熱言語謇澀

鹿肉 叁斤 阿膠 炒脹 黃芩

茯苓 去木 黃芪 蜜炙 甘草 炙

白芍藥 人參 獨活 各去蘆

桂心 乾地黄 川芎 各貳兩

半夏 湯洗壹兩

右為咬咀每服伍錢水肆盞鹿肉伍錢薑伍片同煎至貳盞去鹿肉再煎至壹盞半入阿膠消化去粗溫服不拘時日進貳服

雲岐治產後中風半身手足不遂言語謇澀恍惚多忘精神不定

獨活 當歸 芍藥

防風 川芎 玄參

天麻 各伍錢 桂心 叁錢

右咬咀以水捌升煮取貳升半分為叁服覺効更

作一劑又作丸每服貳拾丸如有熱加葛根五錢
有冷加白朮五錢 若有氣證加生薑壹兩半若
手足不遂加牛膝壹錢半草薺叁錢黃芪肆錢
若腹痛加當歸芍藥各柒錢半 若不食加人參
伍錢玄參壹兩 若寒中三陰所患必冷小續命
湯加生薑煎 若暑中三陽所患必熱小續命湯
去附子減桂心一半加薄荷煎

命血氣湯 治產後諸風痠攣無力

秦艽

羌活

防風

白芷

川芎

芍藥

當歸

白朮

茯苓

熟地黄各等分

右為末一半蜜丸一半散酒調下伍柒拾丸妙

治產後風虛五緩六急手足頑痺氣血不調大豆壹
升炒令熟熟投參升酒中密封飲之

小品治產後中風語澁四肢拘急羌活參兩為末每
服伍錢水酒各半盞煎去滓溫服

華陀愈風散 治婦人產後中風口噤手足痠癢如

角弓或產後血暈不省人事四肢強直或心眼倒
築吐瀉欲死微焙為末用荆芥穗每服參錢豆淋酒

產後中風

不詳

卷五

調服或童子小便服之口噤則挑齒灌之斷禁則灌入鼻中其効如神大抵產後大眩則汗出而腠理疎則易於中風也。時珍曰此方諸書盛稱其妙姚僧坦集驗方以酒服名如聖散云藥下可立待應効陳氏方名舉卿古拜散蕭存敬方用古老錢煎湯服名一捻金王貺指迷方加當歸等分水煎服許叔微本事方云此藥委有奇効神聖之功一婦人產後睡久及醒則昏昏如醉不省人事醫用此藥及交加散云服後當睡必以左手搔頭用之果然皆產寶方云此病多因怒氣傷肝或憂氣內鬱或坐草受風而成急宜服此藥也戴氏證治要訣名獨行散實似道悅生隨抄呼爲再生丹。右產後中風用續命湯及羌活等發散之藥必詳氣血以四物四君子相與各半停對分兩服之可也

虛極生風大產後下血過多虛極生風者何荅曰婦人以榮血爲主因產血下太多氣無所主唇青肉冷汗出目眩神昏命在須臾者此但虛極生風也如此則急服濟危上丹若以風藥治之則誤矣。薛前證若心脾血氣俱虛用十全大補湯如不應加附子鈞

藤鈎若肝經血虛用道遙散加鈎藤鈎經云脾之榮
在唇心之液為汗芒心脾二藏虛極急用參附湯救
之。一婦人患前證或用諸補劑四肢逆冷自汗泄
瀉腸鳴腹痛余以陽氣虛寒用六君子薑附各加至
五錢不應以參附各壹兩始應良久不服仍腸鳴腹
痛復灸關元穴百餘壯及服十全大補湯方効
濟危上丹

乳香

五靈脂

硫黃

玄精石同研極細

阿膠炒脹

卷栢生用

桑寄生

陳皮去白各等分

右將上四味同研停於銀石器內微少炒勿焦了
再研極細復入餘藥為末拌勻生地黄汁和丸如
梧子大每服貳拾丸溫酒或當歸酒送下食前

當歸建中湯見產後腹痛

口噤 大夫產後中風口噤者是血氣虛而風入於頷
頰夾口之筋也手三陽之筋結入於頷產則勞損腑
臟傷於筋脉風若乘之其三陽之筋脉則偏持之筋
得風冷則急故令口噤也

葛根湯 治產後中風口噤仆地頭目眩暈痰盛氣
急及治產後諸疾

葛根

生薑各陸兩

獨活肆兩

當歸參兩各去蘆

甘草炙

桂心

白茯苓去皮

石膏

人參去蘆

白朮

防風各去蘆

川芎各貳兩

右為咬咀每服伍錢水貳盞煎至壹盞半去滓溫服無時日進二服

乾葛湯深療產後中風口噤不能言

獨活去蘆貳兩

乾葛壹兩半

甘草半兩炙

生薑壹兩貳錢半

右為咬咀每服壹兩水貳大盞煎至壹大盞去滓溫服無時

天麻散 治產後中風口噤

天麻柴錢半

白附子炮

天南星炮

半夏湯洗柴遍去滑薑製乾蠍炒各半兩

右為細末每服壹錢生薑薄荷酒調下斡開口灌之不拘時

當歸散 治婦人產後中風牙關緊急不省人事口

吐涎沫手足痲痺

當歸去蘆

荆芥穗各等分

右為細末每服貳錢水壹盞酒半盞煎至壹盞灌

之如牙關緊急，斡開微微灌之，但下咽即生，屢用救人，大有神效。

伏龍肝散 治產後中風口噤不能語言腰背疼痛

伏龍肝壹兩半 乾薑半兩

為細末每服貳錢溫酒調下不拘時日進二服

交加散 治產前後百病兼治婦人榮衛不通經脈不調腹中撮痛氣多血少結聚為瘕產後中風並宜服之

生地黄壹升研取自然汁

生薑拾貳兩研取自然汁

右先將地黃汁炒生薑滓生薑汁炒地黃滓各稍乾焙為細末每服參錢溫酒調下尋常腹痛亦宜服產後尤不可離

角弓反張 夫產後角弓反張者是體虛受風風入

諸陽之經也人陰陽經絡周環於身風邪乘虛入於諸陽之經則腰背反折攣急如角弓之狀也。薛前

證因氣血耗損腠理不密汗出過多而患之者乃虛象也宜固氣血為主佐以本方丹溪云產後當大補

氣血為先雖有他證以末治之如惡寒發熱等證乃氣血虛甚之極也宜大劑參芪歸朮肉桂以培養之

如不應急用炮附子再不應用人參壹兩炮附子貳

參錢名參附湯借猶未應乃藥力未能及也宜多用

愈風散

當歸湯

羌活酒

羚羊角散 治產後中風身體反張

羚羊角屑

當歸

獨活

防風

麻黃

人參

赤芍藥

細辛

桂心

右為吹咀每服捌錢水壹大盞半生薑伍片煎至壹大盞去滓溫服不拘時

小品療產後中風虛人不可服他藥者一物獨活湯主之及一物白鮮湯主之亦可與獨活合煮之

川獨活

右水參升煮取壹升分服柰酒者亦可酒水煮

一物白鮮湯 用白鮮皮亦依獨活法

產後中風瘖口噤面青手足急強者

以竹瀝貳升分為五服溫溫頻服大効

治產後中風角弓反張口噤不語方

川烏

右取黑豆半升同炒半黑以酒參升傾於鑊內急

攪以絹濾取酒微溫服壹小盞取汗若口不開者

產後 乾開口灌之未効加烏雞糞壹合炒熟入酒中服之以瘥為度

千金雞矢醴 療產後中風及男子諸風并產後百疾神効方又治產後中風口噤拘困篤腰背強直時時反折

烏雞屎 叁升 大豆 貳升

右先炒豆令聲絕次炒雞屎令黃以酒壹升先淋雞屎取汁淋大豆每服壹升重者凡四五服極妙張文仲療產後中風風瘳徧身冷直口噤不識人方白朮 肆兩 以酒叁升煮取壹升頓服効

汗 而變瘳 因產後血虛腠理不密故多汗因遇風邪搏之則變瘳瘳者口噤不開背強而直如發癩狀搖頭馬鳴身反折須臾拾發氣息如絕宜速斡口灌小續命湯稍緩即汗止如兩手摸控者不可治也

薛 產後發瘳因去血過多元氣虧極或外邪相搏以致牙關緊急四肢瘳強或腰背反張肢體抽搐若有汗而不惡寒者曰柔瘳若無汗而惡寒曰剛瘳然產後患之實由亡血過多筋無所養而致故傷寒汗下過多潰瘍膿血大泄多患之乃敗證也若大補血氣多保無虞若攻風邪死無疑矣 ○一產婦牙關緊

急腰背反張四肢抽搐兩目連劄余以為去血過多
 元氣虧損陰火熾盛用十全大補加炮薑一劑而甦
 又數劑而安。余在吳江史萬湖第入更時聞喧嚷
 云某家人婦忽仆牙關緊急已死矣詢云是新產婦
 出直厨余意其勞傷血氣而發瘳也急用十全大補
 加附子煎滾令人推正其身一人以手夾正其面却
 窅開其口將藥灌之不嚥藥已冷令側其面出之仍
 正其面復灌以熱藥又冷又灌如此五次方嚥下隨
 灌以熟藥遂甦。○夷堅志云杜壬治郝質子婦產四
 日瘳戴眼去背反張壬以為瘳病與大豆紫湯獨
 活湯而愈政和間余妻方分娩猶在蓐中忽作此證
 頭足反接相去幾二尺家人驚駭以數婢強拗之不
 直適記所云而藥草有獨活乃急為之召醫未至連
 進三劑遂能直醫至即愈矣更不須用大豆紫湯古
 人處方神驗屢矣

小續命湯 治產後中風及剛瘳柔瘳

陳臨川云雖然陳無擇評曰產後汗出多變瘳亦
 令服續命湯此又難信既汗多如何更服麻黃官
 桂防已黃芩輩不若大豆紫湯為佳局方大聖散
 亦良藥也愚觀朱奉議云凡剛柔二瘳小續命湯

並可加減與之。若柔瘳自汗者，去麻黃加葛根之。說朱奉議必有所據。雖大豆紫湯大聖散良，亦不可偏見。曲說有妨古人之意。

大豆紫湯 治中風頭眩惡風自汗吐冷水及產後百病。或中風非瘳背強口噤直視煩熱脉緊大者不治。○小品方主產後中風困篤背強口噤或但煩躁或頭身皆重或身重痒發嘔吐直視並宜服之。

川獨活

去蘆壹兩半

大豆

半升

酒

叁升

右先用酒浸獨活煎一兩沸，別炒大豆極焦烟出，急投酒中密封候冷，去荳每服壹貳合許得少汗則愈。口進十服此藥能去風消血結如妊娠折傷胎死腹中服此得瘳。

○陳臨川云凡產後口噤腰背強直角弓反張皆名曰瘳，又名曰瘳。古人察有汗無汗以分剛柔陰陽而治。今產寶諸書有中風口噤一門，又有角弓反張一門，其實一也。如增寒發熱有類傷寒，皆不論及豈可只以一二藥治之。

大豆湯 治產後中風發則仆地不省人事及妊娠挾風兼治蓐草之間諸般病證。

大豆

伍升 炒黃

獨活

去蘆

葛根

各捌兩

防已

去皮 陸兩

右咬咀每服伍錢酒貳盞煎至壹盞半去粗溫服

不拘時日三服

麝羊角飲子

治產後氣實腹中堅硬兩脇脹滿心

中煩熱渴欲飲水欲成剛瘕中風之疾

麝羊角

半兩 錫

防風

羌活

桔梗

並去蘆

敗醬

各捌錢

桂心

柴胡

去蘆

大黃

浸過煨各壹兩貳錢

為咬咀每服五錢水壹大盞半同煎至壹盞去粗

溫服不拘時候更服地黃酒用地黃切壹升炒令

黑甕瓶中下熱酒參升密封口煮令減半任意服

之

防風當歸散

防風

各壹兩

當歸

川芎

地黃

各壹兩

右剉每服壹兩水參盞煎至貳盞溫服

葉氏云續命湯大豆紫湯舉鄉古拜散太陽厥陰藥

也邪實脈浮弦有力者固宜但產後血氣太虛之

人不宜輕發其表但用防風當歸散治之為妙

此深實利氣效育六皆固安馬至對血康太盡之
葉及云靈命越大豆紫葛舉極古拜精太賜賜創藥
式性我如壹兩水冬盜煎至瀆盜品罪

此黃

谷壹兩

產後氣實腹中堅硬兩脇脹滿心

中風

湯欲飲水當調剛在中風出苦

切風當調措

半兩防風

羌活

之

去盡

桂心

黑養脾中不燕醅參長密桂口煮令減半并意粥
熱粥不吐却新更粥此黃醅用此黃四壹長炒令

○瘕瘕

薛瘕者筋脉拘急也瘕者筋脉張縱也經云肝主筋
而藏血蓋肝氣為陽為火肝血為陰為水前證因產
後陰血去多陽火熾盛筋無所養而然耳故癰疽膿
水過多金瘡出血過甚則陽隨陰散亦多致此治法
當用八珍加丹皮釣藤以生陰血則陽火自退諸證
自愈如不應當用四君芎歸丹皮釣藤以補脾土蓋
血生於至陰至陰者脾土也故小兒吐瀉之後脾胃
虧損亦多患之乃虛象也無風可逐無痰可消若屬
陽氣脫陷者用補中益氣加薑桂陽氣虛敗者用十

產後瘕瘕

大丹

七十五

全大補加桂附亦有復生者此等證候若肢體惡寒
脉微細者此為真狀若脉浮大發熱煩渴此為假象
惟當固本為善若無力抽搐戴眼反折汗出如珠流
者皆不治。一產婦因勞兩臂不能屈服蘇合香丸
肢體痿軟汗出如水余謂前藥辛香耗散真氣腠理
虛而津液妄泄也先用十全大補湯加五味子補實
腠理收斂真氣汗頓止又佐以四君子調補元氣漸
愈用逍遙散大補湯調理而痊。一產婦先胸脇乳
內脹痛後因怒口噤吐痰臂不能伸小便自遺左三
部脉弦余謂此肝經血虛而風火所致不能養筋先
用加味逍遙散治之臂能屈伸又以補肝散六味丸
諸證悉愈。一婦人發瘵遺尿自汗面赤或時面青
飲食如故肝脉弦緊余曰此肝經血燥風熱各瘵也
肝主小便其色青入心則赤法當滋陰血清肝火遂
用加味逍遙散不數劑諸證悉退而安。一婦人產
後血風患此以小續命湯數服而安。

產後因虛傷風瘵同傷寒表證未傳入裏宜服防
風湯

防風湯 治風虛發熱項背拘攣不隨恍惚狂
言來去無時不自覺悟亦治脚氣緩弱甚効此藥

温和不虛人

秦艽 去苗土

獨活 去蘆

麻黃 去節

半夏 湯洗柴
次切片

防風 去蘆各
貳兩

升麻

防已

石膏 煨

芍藥 白者

甘草

當歸 去蘆

遠志 去青

人參 去蘆各
壹兩

右為籠末入半夏片令勻每服肆錢水貳中盞生薑柒捌片煎至壹盞去滓取清汁陸分入麝香末少許食後臨卧帶熱服

海藏愈風湯 即華化有至
愈風 治產後感異證手足牽搐涎潮昏悶

增損柴胡湯 治產後感異證手足牽搐涎潮昏悶

柴胡 叁錢

黃芩 壹錢
貳分

人參

甘草 炙

半夏 各壹
錢半

知母 壹錢

石膏 貳錢

黃芪 貳錢
半

右咬咀分二服水貳盞薑叁片棗貳枚煎捌分不拘時服

秦艽湯 前證已去次服此藥去其風邪

秦艽

芍藥

柴胡 各壹錢
柒分

甘艸 炙壹錢
叁分

黃芩

防風 各壹錢
貳分

人參

半夏 各壹錢

右為咬咀分二貼每貼水貳盞薑參片煎捌分食
遠服

甘草

半夏

黃芩

黃芩

黃芩

黃芩

黃芩

人參

拘攣

大產後中風筋脉四肢攣急者是氣血不足臟腑俱
虛月內未滿起早勞役動傷臟腑虛損未復為風所
乘風邪冷氣初客於皮膚經絡則令人頑痺不仁羸
乏少氣風氣入於筋脉挾寒則攣急也。薛肝屬木
而主筋前證若肝經風熱血燥用加味道遙散如不
應當用六味地黄丸以補腎水經云風客淫氣精乃
亡邪傷肝也仍參前雜證諸風血方論治之。一產
婦筋攣臂軟肌肉掣動此氣血俱虛而自熱也用十
全大補湯而安。一產婦手麻服愈風丹遍身皆麻

三

六

七

神思倦怠余謂氣血虛弱用十全大補加炮薑數劑
漸愈去薑又數劑及逍遙散而痊

芎藭散 治產後中風四肢筋脉攣急夜痛背項強
急

芎藭

羌活

當歸 各去蘆

酸棗仁

炒

羚羊角屑

各柴錢半

防風

去蘆

牛蒡子

各壹兩炒

桂心

赤芍藥

各半兩

右為咬咀每服捌錢水壹大盞半煎至壹大盞去
粗溫服不拘時

薛前方如未應當用八珍湯更不應十全大補

湯

防已膏 治產後中風四肢筋脉攣急身體麻痺並

宜用之

漢防已

去皮半斤

茵芋

伍兩

右為咬咀用酒五升浸藥壹宿取豬肪脂壹斤文
武火熬三上三下成膏攤在紙花上貼病人患處
以熱手不住摩膏上

經風熱柴胡清肝散
加味逍遙散加防風
神湯加升麻肝木太
防風白芷脾氣結加米
左

後抄
女科

以燕手不封率膏上

五火蒸三上三下女膏藥在膝外上頭派人患氣

可為知文即用既止其氣樂容容即散胡韻壹文

莖芩
法製
苗平
田兩

宜用之

切膏 此垂對中風四胡韻和藥急其韻和戰並

不語

不語

大人心有七孔三毛產後虛弱多致停積敗血閉於

心竅神志不能明了又心氣通於舌心氣閉塞則舌

亦強矣故令不語但服七珍散○薛經云大腸之脉

散舌下又云脾之脉是動則病舌本虛則不能言又云

腎之別脉上入于心繫舌本虛則不能言竊謂前證

若心腎氣虛用七珍散腎虛風熱地黃飲大腸風熱

加味道遙散加防風白芷脾經風熱秦艽升麻湯肝

經風熱柴胡清肝散加防風白芷脾氣鬱結加味歸

脾湯加升麻肝木太過小柴胡加釣藤釣脾受土侮

產後不語

女科

八

六君加升麻白芷釣藤鈎肝脾血虛用佛手散脾氣
虛用四君子氣血俱虛八珍湯如不應獨參湯更
不應急加附子補其氣而生其血若竟用血藥則誤
矣。一產婦不語用七珍散而愈後復不語內熱晡
熱肢體倦怠飲食不進用加味歸脾湯為主佐以七
珍散而愈後因怒不語口噤腰背反張手足發搐或
小便見血面赤或青或黃或時兼赤余曰面青肝之
本色也黃者脾氣虛也赤者心血虛也用八珍湯加
釣藤鈎茯苓遠志漸愈又用加味歸脾湯而痊
七珍散

人參

石菖蒲

生地黄

天川芎

各壹兩

細辛

壹錢

防風

辰砂

別研各半兩

右為極細末每服壹錢薄荷湯調下無時

胡氏孤鳳散

治產後閉目不語用生白礬末每服

壹錢熱水調下

治產後不語

人參

石蓮肉

不去心

石菖蒲

各等分

右每服伍錢水煎

逐血補心湯

治產後失音不語

產後不語

女科五

三

產後
狂言
譫語

紅花

赤芍藥

生地黄

桔梗

蘇葉

前胡

茯苓

防風

牛膽南星

黃連

粉葛

當歸

薄荷

人參

升麻

半夏

甘草

升麻

右劉為散分作二服每服水壹鍾半薑叁片煎至

柒分空心服滓再煎服

川芎

白芷

羌活

人參

白朮

生薑

狂言譫語

夫產後語言顛倒或狂言譫語如見鬼神者其源不一須子細辨證用藥治療產後驚風言語亂道如見鬼神精神不定者研好朱砂酒調下龍虎丹方見局方三丸作一服兼琥珀地黄丸服之。一則因產後心虛敗血停積上干於心而狂言獨語者當在乍見鬼神條求之。二則產後臟虛心神驚悸志意不安言語錯亂不自覺知神思不安者當在驚悸條求之。三則宿有風毒因產心虛氣弱腰背強直或歌哭嗔笑言語亂道當作風痙治療當在心驚中風條求之。

產後
狂言
譫語

卷五

產後 卷五
○四則產後心虛中風心神恍惚言語錯亂當在中風恍惚條求之。○五則產後多因敗血迷亂心經而顛狂言語錯亂無常或暈悶者當於本卷血暈類中求之。○六則因產後感冒風寒惡露斬然不行增寒發熱如瘧晝日明了暮則譫語如見鬼狀當作熱入血室治之宜琥珀地黄丸及四物湯只用生乾地黄加北柴胡等分煎服如不退者以小柴胡湯加生乾地黄如黃芩分兩煎服愈雖然已上諸證大抵胎前產後自有專門一定之法毫髮不同如產後首當逐散生新然後子細詳辨疾證不可妄立名色自生新意加減方藥大宜對證依古法施治未有不妥者也。○薛前證當固胃氣為主而佐以見證之藥若一於攻痰則誤矣。○一產婦形體甚倦時發譫語用栝子散稍愈又用加味歸脾湯而愈又因怒仍狂言脇痛小便下血用加味道遙散以清肝火養肝血頓瘥又佐以加味歸脾湯而安。

雲岐奪命散 血暈

治產後敗血衝心發熱狂言奔走脉虛大者

乾荷葉

生乾地黄

牡丹皮

等分

右三味濃煎湯調生蒲黃末貳錢匕一服即定

局方妙香散治產後心神顛倒語言錯亂如見鬼神
用生乾地黄當歸二味煎湯調服立効
烏金散治產後三五日或半月之間忽狂言亂語
目見神鬼等證

當歸 遠志肉 川芎

酸棗仁 白朮 赤芍藥

香附子 辰砂另研入 熟地黄

羌活 防風各貳錢 茯神貳錢

半夏叁錢 全蠍 麥門冬

人參 牛膝 天麻各壹錢

甘草玖分 陳皮 白芷各壹錢伍分

右剉散作二服水壹鍾半薑叁片葱三枝入金銀
同煎壹碗不拘時溫服

四物補心湯 治產後言語恍惚顛倒錯亂

當歸伍錢 川芎 生地黄

白芍藥 茯苓 半夏

桔梗 白朮各肆錢 陳皮叁錢

甘草壹錢

右剉為散分作六服每服用水壹鍾薑叁片煎至
柒分空心溫服滓再煎服 有熱加酒炒黃連貳

錢無熱不用

本經為精分於六期每期用木壹錢壹錢參升煎至

甘草壹錢

訃對

白朮

各舉錢

刺史

參錢

白芍藥

芍藥

半夏

當歸

五錢

川芎

生薑黃

四時備心易

欲重發言諸科參煎陰散

同煎壹錢不味和盛期

本經精升二期木壹錢半薑參升參三升人金雞

甘草

五錢

刺史

白芷

各壹錢

顛狂

大療產後因驚敗血衝心昏悶發狂如有鬼祟宜用

局方大聖澤蘭散

宜白合者方有効

加好辰砂研令極細每

服加壹字許煎酸棗仁湯調下一服可安。醒前證

乃血虛神不守舍非補養元氣不可仍參後各門互

用。一產婦患前證或用大澤蘭湯而愈後又怔忡

妄言其痰甚多用茯苓散補其心虛頓愈又用八珍

散加遠志茯神養其氣血而瘥。一產婦亦患此證

用化痰安神等藥病益甚神思消爍余以為心脾血

氣不足用大劑參朮芍歸茯神酸棗仁四斤餘而安

產後顛狂

女科五

五

乃以歸脾湯五十餘劑而愈

大聖澤蘭散 治婦人血海虛冷久無子息及產後

敗血衝心中風口噤于死腹中擘開口灌藥須臾

生下使得無恙治墮胎腹中攻刺疼痛橫生逆產

胎衣不下血運血癖血滯血崩血入四肢應血藏

有患及諸種風氣或傷寒吐逆咳嗽寒熱往來遍

身生瘡頭痛惡心經脉不調赤白帶下乳生惡氣

胎藏虛冷數曾墮胎崩中不定因此成疾室女經

脉不通並宜服之常服暖子宮和血氣悅顏色退

風冷消除萬病兼療丈夫五勞七傷虛損等病

澤蘭葉

石膏 研各

卷栢 去根

白茯苓 去皮

防風 去蘆

厚朴 去麩皮

細辛 去苗

栢子仁 微炒

桔梗

吳茱萸

湯洗柴灰焙

五味子 揀淨

人參

藁本 去苗

乾薑 炮

川椒

去目閉口

白芷

白朮

黃芪

去苗

川烏頭

炮去

丹參

各柴錢半

蕪荑

微炒赤

甘艸

川芎

芍藥

當歸 各壹兩

白薇

阿膠

碎炒燥

肉桂

壹兩貳

半乾地黃

壹兩

產後 蘇軾

女科 五

八十六

右為細末每服貳錢空心臨卧熱酒調下若急疾不拘時日三服

何氏方治產後因敗血及邪氣入心如見祟物顛狂大辰砂壹貳錢重研令極細人乳三四茶脚許調仍搗紫項活地龍一條入藥候地龍滾三滾取出地龍不用不令帶藥出但欲得地龍身上涎耳却入無灰酒與前乳汁相和七八分盞重湯温遇疾作分三二

乍見鬼神

大心主身之血脉因產傷耗血脉心氣虛則敗血停積上干於心心不受觸遂致心中煩躁卧起不安乍見鬼神言語顛錯醫人不識呼為風邪如此治必不得愈但服調經散每服加龍腦壹捻得睡即安
薛前證若敗血停滯用調經散若血虛發熱用八珍加炮薑若心血虛損用柏子仁散大抵此證皆心脾血少所致但調補胃氣則痰清而神自安矣若果係鬼祟所附即灸鬼穴可愈其或不起者多因豁痰降火攻伐之過也○一產婦患前證或用調經散愈而

復作仍服前藥益甚痰涎上湧朝寒暮熱余朝用八珍散夕用加味歸脾湯各五十餘劑而愈

雲岐治產後發熱狂言奔走脉虛大者四物湯加柴

胡如不愈加甘草柴胡生地黃等分煎服亦可

廣濟治產後血暈心悶不識人神言鬼語氣急欲絕

見血暈

調經散

沒藥

琥珀並細研

桂心各壹錢

芍藥

當歸各貳錢半

麝香研

細辛各半錢

右為末每服半錢生薑汁温酒各少許調服

茯神散 治產後血邪心神恍惚言語失度睡卧不

安

茯神壹兩去皮木

人參

龍齒研

琥珀研

赤芍藥

黃芪

牛膝各柒錢半

生地黄壹兩半

桂心半兩

右為末每服參錢水壹盞煎至柒分不拘時去滓

温服

治方產一日言語顛倒用蘇合香丸壹錢以童便調

服即甦

虛

栢子仁散 治產後狂言亂語皆因內虛敗血挾邪氣攻心

栢子仁

遠志 去心

人參

桑寄生

防風

琥珀 別研

當歸 焙

生地黃 焙

甘草 各等分

右為粗末先用白羊心壹箇切片以水壹大盞半先煮至玖分去羊心入藥末伍錢煎至陸分去滓無時服

與前顛狂譫語門參看

○驚悸

大產後臟虛心神驚悸者由體虛心氣不足心之經為風邪所乘也或恐懼憂迫令心氣受於風邪邪搏於心則驚不自安若驚不已則悸動不定其狀目睛不轉而不能動診其脉動而弱者驚悸也動則為驚弱則為悸矣○薛按人之所主者心心之所主者血心血一虛神氣不守此驚悸所由作也當補氣血為主○一產婦患前證二度服琥珀地黃丸局方妙香散隨効再患服之其症益甚而脉浮大按之如無發熱惡寒此血氣俱虛用十全大補加味歸脾二湯各

產後驚悸

心

八

白餘劑而愈後進驚恐勞怒復作仍服前藥而安
以產後心悶氣絕眼張口噤遍身強直腰背反偃狀
如癩疾心忪驚悸言語錯亂皆是宿有風毒因產心
氣虛弱發成風痙。按仲景先生云有汗為柔痙
用桂枝湯無汗為剛痙用麻黃湯然產後得此血氣
俱乏之敗證也不可與傷寒例看丹溪先生云產後
當大補氣血為主可用十全大補湯以補元氣如不
應急加附子更不應是藥力弗逮也仍用參附湯多
服余常治太虛之證參芪數斤附子數枚方愈。一
產婦患此不省人事言語安甚惡風寒喜熱飲形氣
倦怠脉虛浮無力余謂血氣虛寒用十全大補湯二
十餘劑不應又二十餘劑稍緩乃漸加附子至一錢
服數劑諸證減一二又二十餘劑十退三四乃去附
子五分數劑諸證頓退而安又發仍服前藥加附子
三五分而愈

白茯苓散 治產後心神驚悸言語失常心神昏憤

白茯苓

去皮

熟地黄

人參

去蘆各壹兩半

遠志

去心

白芍藥

黃芪

去蘆

桂心

當歸

炒去蘆

甘草

炙

麥門冬

各壹兩去心

石菖蒲

桑寄生

各柒錢半

右為咬咀每服捌錢水壹大盞半生薑伍片棗參
枚竹葉參柒片煎至壹大盞去滓溫服無時

熟乾地黄散 治產後心虛驚悸神思不安

熟乾地黄 貳兩 黃芪 去蘆 白薇

龍齒 另研 各壹兩 人參 去蘆 茯神 去木

羌活 各柒錢半 遠志肉 各柒錢半 桂心

防風 去蘆 甘草 炙各半兩

右為咬咀每服五錢水壹大盞半生薑五片棗參
枚煎至壹大盞去滓溫服不拘時一方無黃
耆有荆芥

產乳七寶散 初產後服之調和血氣補虛安心神

鎮驚悸

朱砂 水飛 桂心 當歸 去蘆

川芎 人參 去蘆 白茯苓 去皮

羚羊角 燒存性 各貳錢 乾薑 壹錢

為細末每服壹錢用羌活豆淋酒調下將護產不
婦用之
飲酒用清米飲調下 如覺心煩熱悶以麥門冬

去心煎湯調下若心下煩悶而痛用童便調下若

覺心胸煩熱即減薑桂覺寒却加之腹痛加當歸
心悶加羚羊角心虛氣怯加桂心不思飲食或惡

心加人參虛煩加茯苓以意斟酌日二夜一服之

海藏大効牡丹散 治血臟虛風及頭目不利不思飲食手足煩熱肢節拘急疼痛胸膈不利大腸不調陰陽相干心驚怯悸或時旋暈

牡丹皮 川芎 枳殼麩炒各壹兩

陳皮 玄胡索 甘草

羌活 半夏湯洗各半兩 木香

訶子肉 芍藥各柒錢半 三稜炒

乾薑炮 桂心各伍錢 當歸壹兩半

白朮炒叁錢

右為細末每服貳錢水壹盞半煎五七沸食前溫

服益血海退血風勞攻注消寒痰實脾胃理血氣

攻刺及氣虛惡寒潮熱證至妙

遠志丸 治產後臟虛不足心神驚悸志意不安腹

中急痛或時怕怖夜卧不安

遠志 麥門冬各去心 黃芪

當歸炒 人參 白朮

獨活各去蘆 白茯苓去皮 桂心

栝子仁 石菖蒲 熟乾地黄

山茱萸 鍾乳粉 阿膠碎炒各壹兩

右為細末煉蜜和搗五七百下丸如梧桐子大每

三後驚悸 文斗五 九十二

服參拾丸温酒送下不拘時候日進二服

白茯苓丸 治產後心虛驚悸神志不安

白茯苓 去皮 熟乾地黄 各壹兩 人參 去蘆

桂心 遠志 去心 石菖蒲

栝子仁 琥珀 各半兩 另研細

右為細末煉蜜和搗三二百下丸如梧子大每服參拾丸不拘時粥飲送下

右方俱用桂中無熱而脈遲且微者宜之

人參散 治產後臟腑虛心怔驚悸言語錯亂

人參 去蘆 麥門冬 去心各捌錢 牛黃 列

白薇 各貳錢 茯神 去木 獨活

防風 各去蘆 遠志 去心 生地黄

朱砂 水飛 天竺黃 另研 甘草 炙

龍齒 研各肆錢 龍腦 另研 麝香 細研各壹錢

右為細末每服貳錢薄荷酒調下不拘時

琥珀地黄散 治血虛多驚及產後敗血諸疾

辰砂 琥珀 沒藥 並細研

當歸 各等分

右為細末每服貳錢空心白湯調下日三服

茯苓散 療產後狂語志意不定精神昏亂心氣虛

三才 驚悸 六神 九三

風邪所致

茯苓 一方用 茯神

生地黄 各參兩

遠志

白薇

龍齒 各貳兩 伍錢

防風

人參

獨活 各貳兩 以 上共為末

右以銀壹大斤水壹斗五升煮取柒升下諸藥煮

取叁升溫分三服忌菘菜豬肉生冷一方治產後 風邪所干心

神恍惚志意不定加荆芥 貳兩甘草壹兩貳錢半

療產後多虛羸弱若大汗利皆至於死此重虛故也

若中風語謬昏悶不知人者宜服此

人參

茯苓

羌活

大棗

遠志

竹瀝

右用水陸升煮取叁升下竹瀝更煎取貳升半分

三服

抱膽丸 治產後血虛驚氣入心及顛癇風狂或室

女經脉通行驚邪蘊結

水銀 貳兩

黑鉛 壹兩半

朱砂 壹兩 另 細研

乳香 壹兩 另 細研

右將黑鉛入銚子內鑿化下水銀結成砂子次下

朱砂滴乳末乘熱用柳木搗研勻丸如芡實大每

服壹丸空心金銀薄荷湯化下得睡切莫驚動覺

產後

來即安 妙香散亦善

未少黃連 未少黃連 未少黃連 未少黃連 未少黃連

古味黑金 古味黑金 古味黑金 古味黑金 古味黑金

香 壹兩

水 壹兩 黑金 壹兩半 未少 壹兩

女醫神效 女醫神效 女醫神效 女醫神效 女醫神效

外觀 外觀 外觀 外觀 外觀

三期

古用木 古用木 古用木 古用木 古用木

大棗

表志

竹葉

恍惚

大產後中風恍惚者由心主血血氣通於榮衛臟腑
遍循經絡產則血氣俱傷五臟皆虛榮衛不足即為
風邪所乘則令心神恍惚不定也○醒前證當大補
血氣為主而佐以後方為善蓋風為虛極之假象也
固其本源諸病自退若專治風則速其危矣○一產
婦患前證盜汗自汗發熱晡熱面色黃白四肢畏冷
此氣血俱虛用八珍湯不應更用十全大補加味歸
脾二湯始應後因勞怒發厥昏憤左目牽緊兩唇抽
動小便自遺余謂肝火熾盛用十全大補加釣藤山

恍惚

九十五

九十五

梔而安再用十全大補湯辰砂遠志丸而愈
千金療產後暴苦心悸不定言語錯亂恍惚皆因心
虛所致

茯苓 參兩

芍藥 貳兩

甘草

桂心

當歸 各壹兩

生薑 壹兩半

麥門冬 壹升 去心

大棗 參拾枚

右為散水參升煎取壹升去滓分作兩服

經効療產後心虛忪悸志意不定煩躁恍惚

茯神

當歸

黃芩

麥門冬 去心

甘草

人參

芍藥

酸棗仁

白鮮皮 各參兩

大棗 柒枚

右為粗末水貳升煮取柒合去滓溫服

琥珀散 治產後中風恍惚語澁心神煩悶四肢不

隨

琥珀 另研

茯神 去木各壹兩

遠志 去心

石菖蒲

黃芪

防風

獨活

人參 各去蘆

麥門冬 去心

芎藭

桑寄生

赤芍藥

羚羊角屑 各半兩

甘草 貳錢半炙

右為嘔咀每服五錢水壹中盞半煎至壹大盞去滓温服不拘時

遠志散 治產後中風心神恍惚言語錯亂煩悶睡卧不安

遠志 去心

防風 去蘆各壹兩

麥門冬 去心

酸棗仁 炒

桑寄生

獨活 去蘆

桂心

當歸 去蘆炒

茯神 去木

羚羊角屑 各柒錢半 甘草 炙半兩

右為嘔咀每服伍錢煎服法同前

天麻丸 療產後中風恍惚語澁四肢不隨

天麻

硃砂 水飛

防風 去蘆

羌活 去蘆各壹兩

僵蠶 炒柒錢半

乾蝎 炒

白附子 炮

五靈脂 炒各半兩

雄雀糞 炒

牛黃 另研各貳錢半

右為細末糯米飯為丸如梧子大每服貳參拾丸薄荷酒送下日進二服

辰砂遠志丸 主產後中風消風化痰安神鎮心

石菖蒲

遠志肉 甘草煮

人參

茯神 去木

辰砂 各伍錢

川芎

山藥

鐵粉

麥門冬 去心

細辛

天麻

半夏 湯泡

南星

白附子 各壹兩

右為末薑汁煮糊丸如棗豆大別以朱砂為衣每服參拾丸夜卧生薑湯吞下

元祿辛未八朔午の休也

文化乙亥

白樹子

正靈韻

紫背葉

羌活

薑

薄荷

天麻

枳殼

荆風

各壹兩
去薑

半兩
炒各

炒

炒

炒各

炒

